


T9664.7/1332

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 15 1940

71



皇明疏議輯略卷三十二

哈佛大學漢和
圖書館珍藏印

議獄

論韓國公寃事狀

解縉

臣聞君親無將春秋誅意臣子事嫌于不軌固天下之所
共誅幽明之所同憤者也然於事嫌不軌之中辯析幾微
之際此禍幾之所不測骨肉之所難言者惟明主能察焉
竊見太師李善長與 陛下同一心出萬死以得天下為
勳臣第一生封公死封王男尚公主親戚皆被寵榮人臣
之分極美志願亦足天下之富貴無以復加矣若謂其自
圖不軌尚未可知而今謂其欲佐胡惟庸者揆之事理大

謬不然矣人情之愛其子必甚於愛其兄弟之子安享萬全之富貴者豈肯僥倖萬一之富貴哉雖至病狂亦不為矣善長於胡惟庸則姪之親耳於 陛下則子親也豈肯舍其子而從其姪使善長佐胡惟庸成事亦不過勛臣第一而已矣太師國公而已矣尚主納妃而已矣豈復有加於今日之富貴者乎且善長豈不知天命之有在取天下于百戰之艱危也哉當元之季欲為此者何限莫不身為糝粉世絕官污僅保首領者幾人哉此善長之所熟見也但其人之年邁衰頹精神意慮鼓舞倦矣偷安苟容則有之曾謂有血氣之強暴動感其中也哉又其子事 陛下

托骨肉至親無纖芥之嫌何得忽有深仇急變大不得已之謀哉凡為此者必有深仇急變大不得已而後父子之間或至相挾以求脫禍圖全耳未有平居晏然都無形跡而忽起此謀者也此理之所必無也若謂天象告變大臣當災則殺人以應天象夫豈上天之欲哉今不幸已失刑而臣懇惻為明之猶願 陛下作戒於將來也天下孰不曰功如李善長又何為哉臣恐四方之解體也且臣至疎賤非不知言出禍隨然耻立於 聖明之朝而無諫諍之士始者側聽私室引耳朝端意謂群臣豈無忠智左右侍近必有為 陛下言者公卿大臣必有為 陛下言者臺

諫御史必有為 陛下言者而事之枉寃延綿未已群臣
粒口竟無一人為 陛下言者臣所以忘其疎賤冀 陛
下萬一感悟雖甘就鼎鑊無所復恨矣

申明律意疏

劉玉

祖宗之治天下定律明刑以繩姦究百五十餘年臣民遵
守教化大行罔敢踰越夫何承平既久民偽日滋犯刑憲
者有法外之姦而掌刑憲者無畫三之論故或子糾他人
而劫其父或弟糾他人而劫其兄敗倫傷化莫此為甚若
不講明律意竊犯法者無所於戒而司刑者無所於守將
來之弊曷可勝言近者刑部湖廣司發審犯人王保招稱

在官呂莒糾同保等打劫伊父將母擊住用棍亂打劫出
銀兩衣服等件將王保等問擬同居卑幼將引他人盜已
家財物者減凡強盜罪一等律杖一百流三千里呂莒依
卑幼私擅用財罪止律杖一百此則子糾他人而劫其父
者也又據該司發審犯人高鑾招稱在官強義糾同鑾等
打劫伊兄強預將兄擊住用尖刀放伊項上劫出金銀首
飾等件將高鑾等問擬同居卑幼將引他人盜已家財物
者減凡強盜罪一等律杖一百流三千里強義比依弟毆
兄者律杖玖拾徒二年半此則弟糾他人劫其兄者也俱
經本寺駁問未結臣等伏讀 大明律內一款同居卑幼

將引他人盜已家財物者卑幼依私擅用財物加二等罪
止杖一百他人臧凡盜一等免刺若有殺傷者自殺傷尊
長卑幼本律科罪他人縱不知情亦依強盜論若他人殺
傷人者卑幼縱不知情亦依殺傷尊長卑幼本律從重論
謹詳律文曰將引者謂竊盜則藏踪隱跡密竊而行所以
用將引也曰免刺者則專指竊盜而言也曰亦依強盜論
者謂竊盜有殺傷亦依強盜坐罪也意甚明矣引律者不
知犯強盜者他人自有本律乃於凡盜之間加一強字遂
欲臧等且如前條各居親屬相盜既逃臧凡人免刺而又
別言若行強盜者則凡人不兼強盜明矣此條所謂凡盜

亦有免刺豈得兼強盜乎或者又疑有殺傷者坐強盜遂
以為無殺傷者不當坐強盜殊不知強盜之為強盜不在
殺傷故強盜本條不言殺傷而竊盜臨時拒捕乃言殺傷
也又按名例律犯罪首從各別者依本律首從論註云如
卑幼引外人盜已家財物二十貫卑幼依私擅用財加二
等答四十外人依凡盜為從論杖柒十亦是專指竊盜乃
有首從安可引之以斷強盜之獄乎且各居卑幼雖是異
財實係親屬非他人比其行強盜且以凡人論豈得他人
反不以凡人論乎若同居卑幼則雖同財而倫理為重所
以竊盜之罪可臧而強盜之罪不可臧况劫父劫兄窮兇

極惡較之罵父毆兄者輕重何如此皆人倫之大變律文所未該亦當權輕重以正法援比附以上請若如前項擬斷則是倫理置而不論盜賊肆而不禁將來奸詐之徒欲行強盜者計挾本家一男一弟在內俱可免死且子可以犯其父弟可以犯其兄亦何憚而不為哉恐於刑期無刑辟以止辟之義有乖也臣等待罪法司職掌平允務求其當不敢緘默伏乞 聖明留察

申明律意疏

馬文昇

切惟為治莫先於德教輔治莫先於刑罰非德教無以化導乎人心非刑罰無以懲戒乎姦宄故在帝舜之世契敗

五教而皋陶典刑以弼之是知自古帝王之御天下未有舍此而能致治者也洪惟我 太祖高皇帝膺天眷命奄有萬方當殘元入主之後法度廢弛之餘以為刑乃輔治之宜不可不明命臣更定新律以一人之心又命刑官重會衆律以協厥中而垂法萬世其勸善懲惡之意無以加矣且五刑之屬三千而罪莫大於十惡十惡之外莫重於強盜何則蓋其執兵挾刃生殺在其掌握劫財姦淫操縱隨其意欲比之叛逆之徒相去不遠所以強盜條云凡強盜得財不分首從皆斬例該決不待時所以禁暴去惡懲奸止亂而輔治者也及天順三年傳奉 英宗皇帝旨曰人

命至重死者不可復生自天順三年為始每至霜降後但有應決重囚三法司奏請會多官從實審錄庶不冤枉永為定例蓋專指秋後處決重囚臨決之際恐有冤抑故令法司會審即古帝舜欽恤大禹泣辜之心也然恐強盜重囚不在其內且強盜既決不待時又何監至秋後處決况以強盜不分賊之多寡情之輕重俱監至秋後與眾囚一同會審比及會審之時十死七八存者監禁日久翻易原情能言者俱作矜疑情雖重而不決柔弱者俱作無詞情雖輕而行刑及夫處決之際囚犯既眾或至日晚更深人多不見甚非刑人於市與眾棄之之意且情犯有輕重故行刑有遲速今常若此則自此終無決不待時之強盜是與鬪毆殺人者為無異矣况辟以止辟刑期無刑帝王之盛也強劇有犯不時處決則餘賊知警是辟以止辟之意也蓋兵刑二事每每相須惡之小者以刑治之而有餘惡至於大雖兵加之而無異矣

正法守疏

林俊

切惟祖宗設立刑部都察院大理寺謂之法司凡大小罪犯無不由之錦衣衛謂之親軍伺察機密奸細鎮撫司鞫訊大盜妖言洪武二十年我太祖以鎮撫司非法凌虐燒其刑具以所繫囚送刑部洪武二十六年申明鞫刑

之禁凡罪囚俱送法司永樂以後任遇漸加而職事仍舊見之大明會典者如此列 聖相承恪遵無易正德年間劉瑾錢寧等相繼擅權凡意中愛惡輒奪付鎮撫文致成獄以遂其奸而 祖宗之法大壞劇盜四起巨逆繼作皆陛下所習聞而痛惡者天啓我 皇上入正大統撥亂世而反之正先朝之錮弊一舉而剪除之天下方仰中興之治不意忽有此未思之舉豈崔文有所虜愬或假手以濟其私乎夫法本大公非必居一使宋鈺所告崔文等涉虛自有反坐之罪所旨未實亦有必當之條此 祖宗成法在 陛下亦有所不得私者况臣等微末之臣耶今不待法司問結而輒付鎮撫是固臣等奉職無狀只可治臣等之罪而未可廢祖宗之法况今風霾雨土赤日無光天之示戒甚明正上下內外省身脩德之日今此小事尚拂于天萬一有大於是將何如耶誠恐將來之變有不可測者伏願 皇上念祖宗之法畏上天之戒收回成命仍將李陽鳳等付法司從公問結以為將來之戒則刑罰當而天下服矣

平大法疏

林俊

竊惟法立於 祖宗守於 陛下而奉行於法官漢武侯曰宮中府中俱為一體不宜偏私使內外異法所以防官

邪齊民志也今法于內臣至內臣之親屬皆得免死是法
獨行於外而不行於內賴 陛下神化之妙左右自皆革
心萬一作姦犯科而無法以制之是教之使犯其流安可
止耶夫人情不甚相遠論純謹內臣豈無論輕縱外臣難
免惟外臣六年之考察三年之黜陟科道之糾劾撫按守
巡之摧擊一千吏議終身不叙大約三數年間沙汰而去
者不下三四千人是皆內臣所無故法易犯而事無大小
又須具奏故祇見衆論之多有若偏於外三者實非敢輕
重於其間也所據前項內臣似宜各下法司明正其罪其
罪之不當自宜廢不法之官不當廢 祖宗之法而司禮

監奏請發落亦須獄上方下其奏與凡貴戚之臣一無所
假則奉三無私畫一不二疏貴戚賤內外之臣皆無越我
防制之中相率遷善以用干泰和之治矣若彼此猜疑殆
非國家之福亦非內外臣之利也

論盜內府財物不當輕貸疏

林俊

竊以內府嚴密之地內監親近之臣而內庫之儲付以監
守責亦專矣不謂王玘等大肆奸貪潛通陳俊等恣意侵
盜夫一時侵盜如是平時侵盜何如一起事發如是各起
事未發何如中間隱侵又有不可以數計者夫當正德蠱
極之時嘉靖起而應亨嘉之會豹房等財物天意為中興

積也而道路相傳多見侵沒今被該廠訪出宜示大戒顧
乃得送司禮監奏請發落夫以近日內臣有犯不付有司
猶非大盜尚為失刑今王玘等大盜容不付有司耶成化
間內使張來保盜昭德宮財物奏擬處決且累掌宮太監
亦發海寧子克軍天昭德之財猶私財也尚示大戒况內
府公家之積內而大禮外而大費皆示乎出不示大戒誠
恐江河不足以實漏卮群盜效尤國計一空其弊可勝道
耶書云君曰辟曰宥臣曰勿辟勿宥言不當宥君以為生
殺惟當審輕重之宜比法官萬世訓也臣等為國守正豈
容忍默以漏大奸乞將王玘盧能等下之有司明正典刑

獻俘疏

太監張得玉等及該直守門守衛內外官軍亦各查究如
律庶群奸屏息積弊一清矣

臣等會問得犯人一名趙風子即趙鏗招係順天府霸州
文安縣人弘治年間克本縣儒學增廣生員後因有病告
回侍親正德五年以來有反賊首今滄死劉六楊虎射傷
滄死劉七已故死齊彥名朱千戶射傷焚死劉三郎劉惠
病故邢老虎等聚集賊眾往來山東北直隸等處張打旗
號僭稱大王攻破州縣燒劫庫獄殺虜人民姦淫婦女搶
掠財畜敵殺官軍阻截糧運共謀反逆日漸勢眾本年月

日不等有在官谷王賈能各不合投入夥內劫殺正德六年七月十五日有錢同縣先獲董仲義糾黨五百餘人亦往河間府投入劉惠等營內約有一萬餘人合夥為盜攻劫文安縣治比因水漲沮滄在彼往割十月有錢見監妻張氏男張龍即趙龍兒未獲男趙天瑞平寧弟趙銳趙鎧即趙錢監故叔趙達并見獲在官第趙鐸趙鎬等男婦七十餘口俱躲本縣地名王東村水中站立被劉七手下賊徒嚇趕上岸要行姦虜錢不忍截傷賊人二名當被劉七等將錢捉住要殺有先獲已處決賊首劉三一名劉尚質的名劉資亦被伊虜楊虎等夥約與錢原上馬為盜錢將

家口發送回家劉資等各添約見獲在官賈敏兒即免兒段朋張秀朱聰王本張實季文金劉梅邢本道陳美鄭良并兇未獲見監汝寧府陳振張璽吳鐸張隆李臣兒劉江小張勇李海宋忠及未獲宋紀宋虎宋山小宋兒唐鑑陳瀚等四散劫財殺人聲勢愈大各置酒會聚商說我們這夢人馬便也難成大事不若先從本縣起手然後遍歷天下招集數萬人馬以建國扶賢為名須要下箇毒手人纔歸順若不從的逢州破州逢縣滅縣先要得了河北河南後到南京見有空位那時節着你們拜相封侯全家都享富貴却不是好等語賊眾聽允就在本縣起手攻破大成

青縣等處城池殺傷官民燒劫房屋及分差哨馬四散虜掠隨被官軍追勦有劉六帶伊已死男劉仲淮與劉七齊彥名等一枝人馬從青縣前在山東去訖本月內劉七復回攻破冀州將在京小劉氏伊夫先為強盜監候今已處決張玄劫去改名劉玄領賊一千五百餘人各處劫虜本年月日不等有齊彥名伊在官妻弟龐文宣將齊彥名男虎頭兒送至賊營就不合投入夥內僭稱大王領賊二百餘人及有劉六在官姪劉彥深并在官李隆王瓚于成強劉惠即孫虎閻洪李孜王紹即邵隆郭漢宋祿孫王于可昇呂仁黑虎各亦不合投入夥內谷王李孜俱跟隨齊彥

名賈能跟隨劉彥深李隆王瓚俱跟孫虎劉六閻洪呂仁黑虎俱跟隨已死賊首劉彥高邵隆宋祿俱跟已死賊首劉廷寶郭漢跟賈能孫王投入殺死賊首呂五夥內後因呂五身死亦跟隨劉七于可昇先投已死賊首喬二後因喬二身死投跟齊彥名各領賊多寡不等賈能郭漢宋祿孫王各僭稱大王谷王李隆王瓚于成強孫虎閻洪李孜邵隆于可昇呂仁各號稱小頭兒又有在官宋倉與伊未獲朱文亦各不合與伊已死兄朱傅僭稱大王領賊一千餘人賊衆就將傅頂朱千戶名目與龐文宣等各不合隨同劉六劉七齊彥名共謀反逆攻破棗強縣有知縣段彥

力屈身死屠戮人民不計其數又圍劫景州獻縣阜城等處回到長安屯聚數日復往東行攻劫青縣靜海滄州等處燒劫糧船後朱傳在山東即墨縣被官兵射重走至寧海州身死及有在官孫隆孫富亦不合跟隨楊虎夥內僭稱大王四散同謀劫殺錢與劉惠劉資邢老虎董仲義等共推楊虎為主僭稱大王月日不等攻破與濟縣又攻滄州不破燒毀糧船殺虜人財不計其數復回南皮縣起程將東光縣顧知縣拿住又沿路攻劫殺人隨有馬都堂邊都堂德州桂都司各差官前來招撫錢等亦回書伴許若朝廷赦我等亦願解散等語前到南宮渠強等縣屠殺

官民劉三虜得在官小趙氏為妾本年九月初一日行至景州地名朱門村當遇總兵官馮安官軍對敵五陣殺死夥賊一千餘人錢等奔遁小灘河北本月初三日保定田都司率領指揮趙文等官軍截殺被錢等殺死官軍七千餘人拏住趙文次日釋放錢等又往山東蒙山地方當遇副總兵李瑾前來敵殺官軍四十餘人棄下神鎗盔甲一百餘副蟒衣一件楊虎將蟒衣沿途穿着及將在官崔氏即楊寡婦虜占為妻往來山東濟南東兗登萊等府并所屬東平高唐濟寧沂曹等州青城樂陵茌平等縣攻劫燒虜有見監襄陽府賊人范益李江李勝劉越陳春張山韓

子義孫昇郭豹李文舉胡友才宋淮用郭清各見得錢等
行劫有錢月日不等投入夥內跟隨各處劫殺人財不計
其數及有見監河南賊人馬五管四并未獲楊傑唐子文
朱和等沿途搶虜人馬三千餘騎亦來同夥攻劫錢過泰
縣題詩一首得罪男兒愁滿腹胃中豪氣吐虹蜺滿懷血
淚洒雕鞍幾回魂夢歸鄉土貽累父母鄰里中連坐妻子
釣臺苦平欺敵將虎擒羊縱橫六合誰敢捕惟願 君恩
似海深釋我寧家萬事足又到沂州湯頭地方經過州縣
月日不等先後夥約未獲賊張通見監汝寧府汪太張仲
良張虎吳鐸李表見監襄陽府王明陳鸞許文張海清王

文義趙宗張仲任紀王潮李騰王隆各隨營沿途劫殺人
財姦淫婦女不計其數又虜得見監襄陽府馬經王囊包
張表劉全李遂李營王澤董文舉郭王董治各分與馬四
匹執打毬杖隨營行走及虜得已發落斬倣徐傑王俊張
金鸞各打草喂馬挑擔行李本月內龐文宣等跟隨齊彥
名等南行到於地名裴子岩被谷太監陸都堂督調許遊
擊等官軍殺死夥賊有八九百人去到大名府地方又被
官軍殺死夥賊一千餘人本年十月內錢等又不合攻破
靈山等衛日照等縣至南直隸徐州攻城未破十一月初
一日至宿遷縣殺死高郵等衛官軍三百餘名錢等又不

合虜得娼婦陳四兒劉三虜得路氏各在營姦宿初二日
過河挈住高郵衛指揮陳朋帶至靈壁縣當有知縣陳伯
安領兵對敵不過鏖等殺死官軍二百餘人當將陳伯安
挈住同陳朋帶至宿州攻城不破燒燬西關殺死居民無
數比有陳伯安不跪劉惠嗔恠是鏖勸放訖又去攻破虹
縣永城夏邑虞城等縣放火殺人拿住虞城縣知縣行至
丁家道口放訖又攻破歸德州劫虜馬騾人財當被守備
萬全都司官軍追至亳州地方有武平衛致仕石指揮領
軍一千僧兵三百前來截殺鏖等迎敵殺死僧兵七十餘
人去到地名白龍王廟小黃河渡口有潁州夏指揮鞏指

揮領軍對岸劄營楊虎帶領夥賊黃寧等七人捨船一俚
過河當被官軍追翻船隻楊虎黃寧等俱各泅死賊衆奔
往河南府被官軍趕殺賊首張富奔往孟津過河來到臨
清被獲鏖等見楊虎身死賊衆又無統束議將劉惠立為
賊首前到龍江過河至孟城縣地方龍崗方將陳朋放回
又到太和縣劄營五日虜得人財常有副總兵白玉領軍
圍殺劉惠同未獲朱龍等領衆出小南門敵殺官軍兵快
一千五百餘人搶得盔甲鎗刀二千餘件神器七十餘件
前到沈丘縣攻城進入殺死軍民一千餘人挈住都司潘
紳殺死都司王保射傷河南布政司經歷任傑搶得弓箭

刀甲起營攻入鹿邑縣拿住見獲在官千戶李茂并失記
名千戶二員軍人二名俱各降服跟隨內有在官陳漢即
陳翰不合自稱主事願與劉惠為男當將千戶二員放訖
隨有蔡縣致仕知府張什同不知名生員一名老人一名
自備馬匹假金臺蓋四副銀臺蓋半副段二疋前到鹿邑
縣饋送劉惠哀告免攻本縣以救一縣生靈劉惠接收聽
允彼有陳翰與劉惠未獲義男竇龐各不合商議兵法無
統必至於亂須分等第方可管束商同寫畫圖樣將劉惠
號稱奉天征討大元帥上應武曲星將錢改名趙懷忠號
稱副元帥上應文曲星小張勇偽授副軍都督提調都督
未獲李淮協守軍務管理旗鎗什物董仲仁奇兵指揮趙
果正兵指揮趙和嚮道指揮陳翰偽授侍謀軍國重務總
理機密糾劾大小事務元帥長史與竇龐分作東西二廠
管事錢不合與劉惠自稱元帥并發放賊夥俱稱大王又
將張秀李淮宋和與陳振張隆唐子云楊傑韓信等分為
二十八營以應二十八宿各偽授都指揮等官置立五色
段帛旗號二十四面又置金旗一對上書虎賁三千直抵
幽燕之地龍飛九五重開混沌之天李茂偽授中城兵馬
都指揮未獲戴宗竇朝賢并見監汝宣府張壘吳鐸并失
記名賊人各偽授千戶百戶旗校等名色又見各賊攻城

未獲李淮協守軍務管理旗鎗什物董仲仁奇兵指揮趙
果正兵指揮趙和嚮道指揮陳翰偽授侍謀軍國重務總
理機密糾劾大小事務元帥長史與竇龐分作東西二廠
管事錢不合與劉惠自稱元帥并發放賊夥俱稱大王又
將張秀李淮宋和與陳振張隆唐子云楊傑韓信等分為
二十八營以應二十八宿各偽授都指揮等官置立五色
段帛旗號二十四面又置金旗一對上書虎賁三千直抵
幽燕之地龍飛九五重開混沌之天李茂偽授中城兵馬
都指揮未獲戴宗竇朝賢并見監汝宣府張壘吳鐸并失
記名賊人各偽授千戶百戶旗校等名色又見各賊攻城

殺人有功將王本邢本道劉錢李勝各偽授千戶張保劉敏范益各偽授百戶李江統領總旗仍舊領賊殺人又偽造鈞牌上書奉天征討大元帥劉副元帥趙仰前途官吏整備草鏹合用器物脩理橋梁道路迎接者秋毫無犯迎敵者寸草不留違悞者軍法從事俱無違錯等字樣各衙門迎接彼時趙鏹趙錫與見獲在官妹夫張仲威各亦不合與已故表弟劉覺勝前來投入夥內與鏹同謀反逆鏹又在南垣鎮搶虜樂婦田三兒為妾未獲小把子小王兒亦虜新蔡縣義官李慶女李天然在營姦宿前到上蔡縣有霍知縣梁典史并信陽衛李指揮各帶官吏生員民快

拒守不勝將城攻破當將霍知縣支解梟掛燒劫官民房屋財物庫獄有失記名賊人虜得北門不知名民人女劉四兒隨營姦宿前到商水縣知縣率領師生迎入察院住劄數日去到西平縣有王知縣拒敵不過罵賊不絕被王本將王知縣支解又攻破遂平縣燒房劫財殺人不知其數將鄉夫王雲裁縫部廷虜去隨營使喚又攻破舞陽縣殺死陶知縣妻馮氏并本縣男婦不知其數并本縣在官監犯僧一名德靜妄稱唐府逃出有孕官人所生收在賈免兒營內又攻破葉縣將失記名字官一名知縣唐天恩并父唐正家口六名唐府校尉李胡子三人俱各殺死又

攻襄城縣未破本縣轉銀二千兩馬二十匹送與劉惠接
收不曾殺人當就分出其賈免兒一枝人馬復回舞陽確
山真陽光山等縣及帶德靜跟營去訖錄同劉資攻圍鈞
州五日退攻郊縣將破城內送出馬二十八匹不曾殺人
有未獲賊徒劉直蒼虜得見監襄陽府耿奉汪現在營跟使
又攻破寶豐縣創營三日有河南孫僉事差失記名陰陽
生汝寧府差失記名生員各齎執摺換黃榜前來錄等當
寫乞恩辯明本一副內開先年群奸在朝舞弄神罷濁亂
海內誅斬諫臣屏斥元老未有不亡其國者乞 皇上澡
雪精神獨斷于中梟群奸之首以謝天下斬臣之首以謝

群姦等語與生員賈回當日夥賊見榜逃散者百十餘人
又到裕州攻圍有都司詹濟同知郁來辛指揮任御史督
率兵快拒守殺賊力竭城陷殺死詹都司郁都司任御史
并在城男婦數千餘人官民房屋燒劫一空隨有唐府差
人傳說你劫的僧人德靜非我骨血和尚在營可與殺了
罷等語錄又虜得見監襄陽府小民劉氏莫春陳朝唐用
富在營使喚本年十月內孫隆領九十餘人復到山東被
官軍殺敗孫隆到家看望當被本處地方捉獲正德七年
正月初六日錄等聞知南陽防守嚴謹由小路徑去唐縣
西關下營縣所官督率軍民晝夜上城據守錄等每日攻

城三次先後二十八日力攻不破本月十三日有偏頭關
官軍自南陽府前來銅寨舖地方劄營官軍不勝回還本
月二十日失記名賊徒搶虜唐縣民人馬學文馬九兒在
營姦宿有見監襄陽府賊人李奉李虎劉傑各投營助鏖
攻城殺人及未獲小賊把陳資又虜見監襄陽府劉倫許
平趙雄李錢常受張堡張斌王山孫學李才在營打草喂
馬不曾殺人本月二十六日邢老虎病故就葬本縣漢王
臺西新建寺閣東後墻下鏖等查得二十八營人馬共有
一十二萬五千餘騎造有各賊花名文冊六本分各收拿
點聞又於老營紅紗帳上大書英雄吞河海氣壯轉乾坤

對子一聯又置火牌上書奉天征討大元帥劉副元帥趙
示仰差去襄陽樊城南陽新野接戰領兵都指揮張勇并
邏奇兵正兵及哨馬夜不收等項官軍人等回至牌所即
便整隊倘有聲息就在牌西劄營一面差人星報老營發
兵截殺有功陞賞决不虛言鏖與劉惠各畫花押在上令
失記名哨馬齎至新野縣隨被軍人藏用等將哨賊殺死
奪牌交送南陽府收貯鏖與劉資差發人馬前去襄陽樊
城棗陽隨州新野等州縣四散攻劫城池殺虜鄉民當有
湖廣河南總鎮撫按衙門嚴督襄陽棗陽唐縣新野南陽
等處官軍民快吏生人等陸續擒斬賊級將及四千奪獲

馬騾婦女器物不計其數本年二月內劉六劉七與齊彥
名龐文宣等在於滕縣地方被劉暉等官軍殺死夥賊一
千餘人勢敗奔往登萊州海套內官軍圍住劉六等潰圍
奔到古縣鎮地方又被官軍追殺無數止剩三四百人仍
向北奔有錄又差探得湖廣撫治都堂太監奏調漢土官
軍將到於二月初六日起營攻破泌陽住劄燒劫姦虜及
劫得焦閣老家蟒衣玉帶金銀段疋不計其數俵散各賊
穿甲訖有未到小把白秀不合虜得耿壁女耿氏在營姦
宿復到確山遂平等縣入城殺虜人馬燒劫房財比有夥
賊畏怕官軍追殺奔散數多是遂與劉惠委差小把張鉞

等前去鄉村約虜見監襄陽府曹知高忠高方小七兒劉
小住兒周馬兒王梅雷配鄆小肯兒王欽毛顯徐增王璫
曹蒲張萊李聰孫鉞曹州孫政張朝楊淮劉廷王子云王
高文陳富隨營驅使至二十二日奔往西河縣有各邊總
兵叅將等官統領人馬前來殺死夥賊二千餘人奪回男
婦馬騾器械不計其數錄等乘敗復奔上蔡商水西華等
縣攻入鄆陵縣焚劫軍民房財及致仕劉尚書家金銀財
帛并官庫銀物不計其數又到新鄭縣鄭州攻城不開隨
又攻破滎陽汜水鞏縣殺劫庫獄人財馬騾不計其數又
攻偃師縣不破錄等虜據未獲鄉民各傳報今有提督彭

都堂仇總兵督率京邊官軍及湖廣撫治都堂太監總兵亦督發漢土官軍各委河南南胡恭政王愈事各分投前來又有鄧都堂甄太監亦督發軍馬前來會合截殺賊與劉惠等各慌張領衆奔往河南南府四關攻殺意圖入城拒守間各邊人馬追至殺死夥賊不知數自有總兵楊相善身先出戰鏖又不合與劉資各督令劉世堂迎敵用鎗截死當有張山率同任紀李虎等捉獲邊軍七名送官賞給劉惠見伊有功將張山偽授指揮及將任紀李虎各賞給衣銀面刺大王二字領賊殺人有未獲夥賊小將見張益不合虜得永城縣已致仕李知縣女李五兒已死使人裝

文秀妻李氏各在營姦宿連夜徑奔汝州又聞漢土官軍已到分布郊葉襄城南陽裕州等處截殺星夜奔往寶豐透出舞陽遂平汝寧府城東南關外周家橋等處地方節有漢土官軍迎敵斬獲賊級婦女馬騾器械土軍亦被殺傷五十餘人又往固始潁州朱臯鎮地方劄營亦被漢土諸軍四路追襲節次斬獲夥賊奪回婦女馬騾及渡河不及滄死人馬五千有餘沿途滾馬逃散者不計其數比有劉全張袁任美傅鏖李榮王潭董文舉馬經郭五董智劉表趙鸞王囊包劉小韓兒各明知恩例許令被虜軍民丟器滾馬免罪優恤各不合畏懼鏖等刑殺仍跟在營投

使不敢解散錢等因被殺敗追急將前造軍馬文冊棄失
無存徑由光山六安州等處晝夜奔走及攻破舒城縣搶虜人馬復
回商城等縣復令哨馬四散鄉村虜得見監襄陽府劉江張鑾
曹佐徐章靈萬秋季李守揚濟王賢高流兒隨營牽喂馬騾挑
担物件三月二十日有賈免兒與已死賊首李昇等領賊衆千餘
人由界河山隘走入黃陂麻城地方燒劫比有湖廣王太監劉
都堂劉巡按該道郭僉事督調漢土官軍追至羅田油河等處
擒獲三百餘功燒少焚死二百餘人比因天雨山水泛漲追趕渡
河不及漂溺者有一千騎一枝人馬傷死盡絕又有王本等夥
賊三百餘人奔入湖廣地名出峒四月十三日叅議白金

李源等督發漢土官軍將王本萬小七兒張寶李文金李
守還雷配王欽陳富張表劉倫張堡各擒獲及將僭號
押古墓等一百餘人殺敗奔散有見監泌陽縣賊把偽陞
狄千戶即潘增賊首趙喜程官各率把見賊徒三百餘名
由信陽州西關一路燒劫至四月十七日前往桐柏縣被
知縣李教督率鄉兵機快將潘增等八名生擒及斬獲首
級馬器餘賊於十八日又往泌陽縣亦被知縣劉機將趙
喜等擒獲斬奪首級馬器錢等仍往固始縣復到光州過
商城光山等縣彼因各處官軍把截追殺緊急不曾殺人
放火又到六安州攻城將破被彭都堂仇總兵督發官軍

趕到殺獲夥賊約有三四百名又到廬州府過定遠縣城西亦被官軍趕殺夥賊四千餘人仗到六安州劉惠劉資等先領餘賊一萬餘人過河及鏐弟趙璠趙鎬俱隨同仍往商城地方去訖比因天雨水漲渡河不得鏐未獲義男李文秀帶領精壯二百餘人意欲渡河潛散回家又遇管四張通帶領二千餘人合為一夥復到商城朱皋過潁州太和縣到於張村舖又遇楊虎夥內未獲小賊首趙郎二千餘人亦與張通合夥至鳳陽地方固鎮領賊五千餘人寫性投稟叢都堂要得率衆歸服未遂復到靈璧縣知縣陳伯安屏風上亦寫領衆歸降平定巢穴等言語又到

宿州及桃山驛接遇官軍交戰被官軍追至徐州失記名館又往南行因有京邊鳳陽湖廣各處官軍四下分佈在割鏐與各夥賊首率衆仍回商城固始分投竄入湖廣河南界亂山內四月十九日有河南僉事王垓領兵將趙璠趙鎬張仲威劉覺勝及將帶金銀一千餘兩一同捉獲四月二十四日有見監德安府小賊首張朝用等亦率餘黨三百餘騎流入隨州地名出山店被湖廣劉都堂督調官軍擒斬張朝用等男婦二十餘名口餘賊當時潰散有劉惠劉資招賊衆萬餘於四月二十六日前到應山縣營有僉事郭詔督同領左哨官軍於二郎畝廣水店斬獲見

監德安府賊把趙昇及賊徒首級一百餘名。追逐綠崖落水死一千餘人。奪獲馬騾器械數多。本年四月劉六劉七齊考名麗文官等復到香河寶坻玉田等處地方殺劫人財。又在武清縣八里庄與參將王杲對敵。將王杲殺死。又到東馬園地名將寧都堂年下子弟兵殺死。不計名數。劉六又搶虜巴故楊能。在官妻王氏。劉七搶虜樂戶劉大良。在官妻大趙氏。李驚怕兒。在官妻丁氏。劉考高。搶虜樂戶丘端。在官妻郭氏。齊考名搶虜軍人劉愷。在官妻劉三姐。各在營。姦宿。本年五月二十九日。劉六等到冠縣地方。又被陳太監陳都堂督調官軍殺死四五十人。聞共奔到

范縣地方。被遼東官軍擒獲。本自有彰都堂仇總兵亦督各路軍馬。將錄等趕上。斬獲賊級約有二千餘名。顯有撫治劉都堂方總兵。亦各督官軍趕至應山縣地名漢東井子舖黃關九女崖河北隨州地名蓬靛山兩尖山等處。將王隆楊齊丁賢張潮孫升靳倣高留兒陳朝用盧萬秋蔣鸞徐章任美劉傑劉小住兒李奉徐增曹佐任紀劉梅曹滿許平萬志高許文劉江劉小兒李勝曹知張仲王雲張鸞王文義王得王高文王俊宋柰趙雲李鏡王璘毛顯劉全孫政張山楊淮徐傑張海清趙林王潮陽自來周馬兒鄔小肯兒李虎圭鸞李奎張金李氏馬氏李天然耿氏各

陸續擒獲并斬首二百餘顆馬騾器械數多劉惠劉資等
屢遭殺敗俱四散由桐柏泌陽確山趕入南召魯山等縣
山谷內潛匿逃命去訖五月初二日有陳翰因見勢敗滾
馬赴仇總兵處投降本月初五日有錢行至應山縣東化
山坡下見得兩省軍馬重大思要脫身無計逼令未獲僧
人直安將錢鬚髮削剃藏伊度牒在身將邢本道等分什
各散逃命是錢止同直安升先夥僧元曉的名劉小韓兒
作伴意要前往江西投入彼處夥賊再圖大舉有南召縣
知縣李聚節奉彭都堂仇總兵分守胡叅政等案
驗及知府王宣牌回令縣嚴督官兵把截五月十九日地

方報有殘賊三十餘人前來當領聽缺吏高寵及兵快人
等將劉資并見監汝寧府夥賊家屬張璽張氏十九名口
盡行挈獲五月初十日有南陽衛指揮王謹亦奉督集南
召縣義官彭彭一等追至地名土地嶺與劉惠敵戰射中劉
惠左眼傷重劉惠分付衆賊我為人一場在此壞了你可
將我身體燒化等語隨有數賊擡在山下李家地上草房
內發火焚燒間王謹喝衆將火救滅斬取劉惠首級生擒
夥賊三名內一名見監汝寧府張得招是劉惠義男說稱
傷死燒化是的本月不等日有湖廣劉都堂及周六監及
撫民張副使亦從安陸前來訪知有賊一夥到於隨州天

王險寨及螺螄螺蝗等處地方燒劫督發漢中土官軍生擒邢本道王囊包王子文唐富郭王汪見董智馬經陳美三山韓義王潭胡有才鄭良王賢李主曹用董文舉李鏗郭豹宋淮用郭清范益劉益趙鸞李騰陳春劉表李榮李文舉及斬獲賊級馬騾器械千數及審得邢本道等供出鏗於前月日在應山山坡花樹下剃頭為僧潛躲情由當即隨行武昌漢陽黃德鄂襄南錫等衛各督發官軍民壯四散捉拏及有湖廣省城鎮巡三司亦各通行治屬嚴加把截搜訪又有彭都堂仇總兵趙御史亦各通行案驗告示於南直隸河南湖廣各屬府州縣物色訪拏間有武昌

軍人趙成同伊弟趙宗於本月十七日前到德安方總兵處首述行至黃陂縣地方九十三里坡撞錄經過見錄狀貌異常思與省城行到案驗告示相合心已懷疑十日行至小河漢巡檢司又遇各哨官軍押帶賊屬小男前來問知前情比趙成趙宗又約郭愈事原差孝感縣快手徐必高粘踪趙襲編見錄同劉朝見到於武昌府江夏縣地名管家套武昌衛軍人唐虎店吃飯趙成一面叫報地方一面將錄檢檢隨有武昌府署印同知吳寅督委巡捕石知事差遣兵快李海劉永明亦到相幫擒縛搜獲在身原是真實安度牒一張盤纏銀一十二兩六錢解官審實

監候間有楊寡婦路氏小趙氏俱在湖廣地方劉仲淮在
官妻楊聰明宋總在官妻劉六姪女大劉氏并何氏俱在
河南地方各先後投獲於本月內有龐文宣與同谷王賈
能李墜王瓚于成張孫虎李孜邵隆郭漢宋王孫玉于可
昇呂仁黑虎俱隨同劉六從湖廣地方團風鎮撫船沿江
流劫本月二十三日路遇已故馬都御史劉六領李隆等
上船劫虜有馬都御史怒罵劉六將伊兄射一箭喝令李
隆王瓚不合聽從下手將伊用刀砍傷落水身死本月二
十九日劉六并伊兄劉仲淮被湖廣土軍追急投水渰死
劉七與龐文宣等駕船順流徑到南通州地方狼山停住

一十餘日乘風復到蕪湖地方將操江陳都堂官軍趕散
下水渰死不計其數下到瓜州燒燬戰船搶奪軍器數

本年七月內劉七與龐文宣等又到狼山停住本月二十

八日被大風將船打碎賊俱上山被官軍趕上圍殺各不

合與官軍對敵被殺傷本月十九日劉廷寶又被大風

打破船隻渰死龐文宣船隻漂至地名福山港被遼東官

軍生擒有谷王因賊走藏在本處塔內至夜間走出跟隨

劉彥高王子長劉新腰走至地名丁溪場劉彥高等三名

各因傷重行走不動自縊身死谷王又走至地名黃舖有

賈誌等成強孫王劉七一同搶船要行逃走官軍砍射

緊急劉七落水身死齊彥名被官軍殺死割取首級將
三姐趙氏丁氏郭氏後被獲賈能孫玉浮水上岸又與于
成李孜邵隆郭漢宋極孫玉逃到海邊搶得魚船逃至山
東膠州海口登岸到於安丘縣李隆與王瓚亦搶得魚船
逃至地名丁溪場孫虎逃至南直隸通州各先後被獲蒙
本州榜割劉七首級于可見逃至通州呂仁黑虎亦搶得
小船要往蘇州等處到於江陰縣地方各被獲割彥深逃
至穆陵關被拿命事提獲朱倉走至北直隸滄州從河南
逃回本家張富從河南逃至臨清州玄與張并劉小女兒
連伊在官張幼女各前後被獲張玄處決訖朱聰被湖廣

官軍捉獲蒙將錢等及龐文宣等并劉七齊彥名首級各
檻解到京奏奉 欽依會問多官打問前情明白及查得
監督提督等官 奏稱楊寡婦的係楊虎虜占為妻劉惠
自代領其衆收養本婦在營原無別枝人馬止是別夥賊
徒倡名為亂是實除將劉七等首級遵奉 欽依梟掛曉
示外將錢等取問罪犯一議得趙錢等所犯趙璠趙
鎬等二十三名俱合依謀反但共謀者不分首從律皆斬
凌遲處死决不待時祖父父子孫兄弟及同居之人不分
異姓及伯叔父兄之子不限籍之同異年六十以上不論
篤疾廢疾皆斬其十五以下及母女妻妾姊妹若子之妻

妾給功臣之家為奴財產入官楊寡婦比依謀反妻律夫
劉氏小劉氏楊聰明俱依謀反妻律張幼女依謀反女律
給功臣之家為奴路氏小趙氏何氏丁氏郭氏大趙氏龐
三姐俱是被虜婦女各查發寧家照出劉六劉七齊彥名
楊虎劉惠并趙鏗等龐文宣等各律該緣坐家屬并各犯
家產及未獲賊犯宋虎等見監襄陽汝寧泌陽等府縣賊
犯陳翰等俱各行各鎮巡等官各挨獲問擬抄劄入官徑
自具奏施行參照反賊趙鏗等三十五名情特實頑悖逆
天道深犯無將之戒共為不軌之謀趙鏗與已死劉六等
首倡亂階趙鏗龐文宣等助成霍焰大者僭稱王號小者

分授偽官糾合十餘萬之賊徒攻破百十處之城邑燒劫
房財庫獄所過無遺殺虜官吏軍民不計其數極姦淫之
腥穢窮磔剝之兇殘震動京師阻絕糧運流毒遍於六省
延蔓已踰二年罪惡貫盈神人憤怒今既擒獲宜加族誅
內陳翰雖云滾馬而出官首降實因勢敗而希圖苟免况
偽檄多出其手論情罪亦在於無原及照楊寡婦雖不領
賊衆而兇惡未行但久處賊營而名稱已著止坐為奴之
律尚有未盡之辜所據趙鏗等押赴市曹會官處決仍將
各犯并劉七齊彥名首級竿之葉街及將問過招罪處決
圖形榜示天下庶有以彰國法於今日垂大戒於將來

其大劉氏小劉氏楊聰明幼女應合奏 請給付路氏等
七口俱係虜掠人數合行釋放寧家未敢擅便開坐謹題
請旨

遵奉 勅諭起解叛逆賊寇疏 劉璟

會同問得犯人何錦招年四十歲原籍直隸廬州府六安
州人先任陝西寧夏右屯衛後所百戶招軍陞副千戶遇
例納銀授都指揮僉事正德元年有先未殺寧夏衛儒學
生員孫景文黜退生員孟彬史連不特常往今革爵安化
王寘鑄府行走情熟一日酒後寘鑄向孫景文說曾有人
相我有帝王像貌又有寄住未到師婆王九兒不合假降

鸚鵡神每神降時就呼寘鑄是老天子以此寘鑄動心因
無兵權一向延捱不得起手正德三年七月內有例納銀
陞職錦與先未殺都指揮周昂央免孫景文作保錦借寘
鑄銀二百七十兩周昂借銀二百兩俱納級陞都指揮以
後往來稠密正德四年八月內寘鑄使令未到校尉史成
不合依聽邀請錦與周昂孫景文孟彬史連及先前在府
唱詞今故無目人張會通到府吃酒間寘鑄說稱如今傳
聞 朝廷之上專是劉瑾用事把這些元老大臣都屏退
了兩京言路等官一網打盡內外多是劉瑾黨惡裏邊結
張綵劉璣外邊結曹雄等入不時差出內行校尉紀啟金

榮等到處訪察要錢害人劉瑾恐怕人來進本揭寫打一百全家發遣充軍榜文杜絕人言又聞劉瑾說他姪兒子大貴要取天下倘他得了我每富貴都沒有了謀稱人說我有天分你們若等扶我為主以討劉瑾為名必成大事等語何錦不合與周昂等各聽允當就對天發誓不許泄漏事情各散彼有先存今故教授高元吉不能覺察正德五年正月初六日遊擊將軍仇鉞因有聲息領兵往玉泉營按伏本年二月內劉瑾揭寫旨意差先殺周少卿前來寧夏丈量地土又有太監李增與安都堂在彼各官畏懼劉瑾聲勢將寧夏官夾打妻子都被凌辱要得起錢饋

送劉瑾周少卿每地五十畝量作一頃又每一分要銀二錢輾送劉瑾人情不堪三月二十三日有分守關西道侯叅議亦到寧夏催糧本月二十六日寘鑪不合向錦等謀說你們拖欠錢糧馬價數多追徵緊急人心慌亂正好乘此機會將前者所謀大事舉行人無不從但恐人少不能成事錦等各不合聽記因思先未殺指揮丁廣千戶楊泰陳宗胡濟王輔百戶魏鎮陳賢朱霞姚鐸雷英李榮李森劉鉞何銳胡璽等多係掌印管屯管隊官員常受比較忿恨易於糾合錦不合謀令孫景文置酒將各官與孟彬及先未殺教讀殷哲請到孫景文家內會飲間孫景文說你

衆人錢糧馬價無從辦納不時比較何日是了今安化王
筭有天下分要舉大事着肯取巧將三堂殺了扶立安化
王為主必定成事我們同享富貴却不強如比較吃打丁
廣等意正忿恨各稱情願等語孫景文隨即開具姓名當
天燃香發誓及喫血酒就計說着安化王殿下置酒請三
堂到府衆人齊來將他們殺死奪了兵權傳檄起兵有何
不可謀畢衆人言好各散次日孫景文向賓鑄備說前謀
事情回報甚喜本日賓鑄思起平虜城克軍逃回今已殺
千戶徐欽常在府內藏躲必肯從謀又令先未殺儀賓夏
林親去平虜城與徐欽約謀轉與先未殺百戶朱洗舍人

蔣春程保胡英賢浩朱成玉卿孫浩張閏楊舉徐愷軍人
陸原保并見在張欽等到家說稱安化王要替寧夏人做
主起兵差人來我們此事有益不可推却張欽不合與朱
洗等依聽約定下月初五日早到城當令夏林回話三月
二十九日姜總兵分付周昂挑選精銳夜不收五六十名
遇警前哨殺賊周昂思得前項謀事人少正合機會於四
月初二日選得在官夜不收申居敬等共六十名着令常
在身邊跟用本日辰時分賓鑄差令在官同謀百戶李蕃
不合同謀前去邀請三堂并周少卿假說與新來李太監
接風約至本月初五日會飲本日午時副總兵楊英因有

聲息領兵往揚顯堡按伏丁廣請後獲在官指揮馮經到
家飲酒彼有錦等三十餘人同飲馮經問這酒因何請飲
錦回說你到初五日跟我去便知等語各散初五日早周
昂聚集申居敬等到家將大門關閉向申居敬言說如今
追併你們欠的馬錢至急今日又該比較人說安化王有
福你眾人肯跟我扶助他為主得了天下你我眾人都佐
大官各不合忻喜應承當即取出線香一把令眾人當天
拈香說誓又各與酒三鍾飲訖就令在家伺候隨差藍真
葉來與錦說知錦就令未到周金保不合依聽前去請丁
廣孫景文胡璽分投相約楊泰等俱至周昂家內取齊各

又計說今在官指揮張欽係管夜不收把總官若不用
他恐有後害就令魏鎮前去賺請張欽亦到周昂家內備
說前情張欽不合依從真鑄復差李蕃前來周昂家內言
說止請得姜總兵李太監鄧監鎗到府其餘不采是錦不
合同周昂丁廣等佯言要出兵截殺各帶家人伴當并申
居等各不合按執軍器將各巷口把住真鑄令今在官儀
賓韓廷璋不合與先未殺儀賓高嵩夏琳并千戶王環家
人王保及孟彬殺替與先故高總男高士俊各藏兵器先
在殿後埋伏又令今在官內使姚玉施英田成韓宣王堂
各不合知情在傍隨侍彼有今在官儀賓謝廷槐來府伺

候方纔知覺事已窘迫只得在傍答應使喚後亦不合失
於舉首實鏞先與各官把酒序坐間錦等率領前項夜不
收人等到於安化府前一齊撞入殿內錦與高高等各執
鎗刀裏外相合丁廣并弟丁二哥子魏鎮將江總兵砍訖
二刀不死錦又照伊頭臉再砍二刀方死高聰并病故高
仕俊同高嵩王保將李太監殺死高嵩高聰又與楊泰姚
鐸將鄧監鎗殺死錦又不合同周昂丁廣當率官軍前去
都察院又與姚鐸陳賢胡璽將安都御史當堂殺死正遇
都指揮楊忠在院稟事亦被周昂丁二哥子殺死丁廣又
後獲今在官指揮馮經去殺周少卿馮經正恨伊比較

增屯地當就取刀回到按察司馮經不合用刀將周少卿
砍訖二刀身死有後獲在官夜不收閻添孫潘六十即潘
成各不合乘機將書吏屠成岳寧二人亂刀砍死申居敬
等不合與雷英姚鐸到鼓樓街遇都指揮李睿亦就殺死
魏鎮王輔又到公議府尋殺侯叅議正遇大使張璣在內
稟事并與書吏董良一同殺死書吏杜緒劉尚禮殺傷侯
叅議知覺脫走錦又不合當時差人將各監重囚四十名
盡數脫放又將各衙門文卷盡數燒燬又將閑住曲都御
史并妻小砍傷就將各官原領制勅符驗印信關防旗
牌家財人口盡行搶去有泉夜不收因恠已獲指揮李泉

平素剝剝聲言要殺本官知覺躲在安化府內衆人將伊家財搶訖李杲告鳴宣鑄却將寧夏衛官庫原收賞剝冬衣官布一千五百疋給與李杲倍償家財伊就不合收受入巴錦又令李森將黃河官私大小船并魚船共一十七隻掣去橫城西岸灣泊委先未殺死克軍百戶姜永看守本日指揮尹清都指揮劉端慮恐禍及急走出城前去揚顯堡報與楊副總兵知會初六日侯參議被鎮撫楊綱尋獲捉送宣鑄處本官不肯屈服綁送寧夏左衛監禁言訖留著祭旗及有管糧通判張江亦被捉去府內強逼張江不合屈從使用本日錦不合與周昂等率衆扶立宣鑄為

朝暮朝拜聽其命令宣鑄令孫景文寫告示張掛以收人心又寫令旨二道錦等寫書三封差未到鎮撫陳准百戶阮宣冬不合聽齋前去調取楊副總兵仇遊擊前來聽用各官收訖令旨書信心實不從當日楊副總兵分付官軍要往王宏堡彼有都指揮胡顯與各軍士陸續潰散走回寧夏城內及將旗牌買欵亂袒打身死楊副總兵無奈只得與尹清往廣武營轉渡靈州去訖本日仇遊擊領兵回城宣鑄令伊卸去衣甲什物等件方得入城將原領遊兵人馬分散各隊本日宣鑄又出令旨帖子與巴死姜永今在男百戶姜忠不合依從前去管理河西道通運所兼

管三十六堡又寫令旨五張調取中衛廣武興武花馬池
靈州等處兵馬地圖及調官軍前來領賞本日未時分儀
賓夏喇原約平虜城官舍徐欽等一十一名方纔到城內
有張欽一名不到實鑄噴性來遲苦告路遠方饒初六日
實鑄要動支寧夏倉官銀賞軍當有張江言說留在後用
不曾支去却將寧夏等五衛賞剩冬衣布花銀兩查出聽
賞又差高高去慶府并各郡王將軍等慶逼要金共五
百二十六兩一錢六分銀八千四百八十四兩九錢各色
紵絲四百四十一疋各色紗一十一疋各色大絹一十五
疋青白三梭并藍白布共一千九百四十五疋各色紵絲

羅衣服八件金合包一箇到府聽實官軍初七日守備
州都指揮史鏞聞知前情差夜不收李得等分投馳報鎮
守陝西曹總兵官并各路將官知會本日實鑄令後獲在
官銅匠楊茂鑄銀關防一顆刊字匠王得洪篆討賊大將
軍關防字樣在上各不合依聽鑄篆付與先未死銀匠主
時雍剔鑿篆文又偽造黃令旗二十面又令孫景文撰成
告諭榜文內開有劉瑾不法事情又令後獲在官寫字人
官域不合依聽謄寫就與王得洪不合聽從刊板印刷四
五百張散與各處行人傳示腹裏地方驚動人心彼有百
戶鐘翊陳倣為因強剝姜總兵家眷衣服夜不收羅漢為

因搶奪財物俱被宣鑄得知挈來梟首初八日早宣鑄將前項脅要慶主等府金銀段布等物賞犒官軍人等每官一員賞段一疋每征操軍夜不收一名連金布等項折筭賞銀二兩守城軍每人賞銀一兩本月十二日宣鑄封錦為討賊大將軍就掛前項偽造關防封周昂為左副將軍丁廣為右副將軍張欽為先鋒將軍魏鎮陳賢楊泰胡璽陳宗五輔胡濟各為都護朱霞朱沈姚鐸雷英李榮李森王環劉錢何說姜永各為總管封李蕃為儀副就頒命詞二十二張見在二張其餘不存前項偽官又每人加賞銀有二三兩者錦因夜不收羅漢被殺監真自縊尤全

鄧全載平陸續病故又選今在官王得成于伏佑充千頂補尤全親男王得成于伏佑俱不係原謀人數本月十三日曹總督發都指揮黃正帶領遊兵官軍二千四百餘員名前到靈州駐劄及節行楊副總兵調集靈州官軍設法邀取船隻巡把黃河隘口本日巡按周御史在延綏聞知前情會同榆林三堂議調副總兵侯勛遊擊將軍時源等五千餘員名前來策應十四日早有楊副總兵黃正史鏞并都指揮韓斌等帶領遊兵并靈州土漢官軍共三千餘員名到河東開地順河一帶劄隊又選官軍中會水手者共得鎮撫溫良等二百餘員名渡河將着船官軍射走奪

取原船一十七隻及軍器等件掣過靈州東岸本月十五日
日寅鑄猶恐前項五十八名夜不收不肯用心又將官銀
三百餘兩令周昂給賞夜不收尤千等并不記名丁廣伴
當一十四名共七十二名當令跟隨魏鎮張欽等賚銀二
扛先去廣武營給賞以收人心本月十七日晚有廣武營
協同都指揮僉事孫隆蒙曹總兵官帖差人將大小二壩
積聚捲掃柴草盡行燒燬有魏鎮張欽等到於廣武營城
門宣言散賞緣由勒要開門孫隆不納只登城宣言禍福
利害隨令官軍齊用弓箭神鎗射打魏鎮張欽等帶領人
馬復回大壩本月十八日楊副總兵史鏞韓斌照依曹總

兵原行寫書一封令仇遊擊家人仇書童等密齎渡河潛
到寧夏城透與仇遊擊約令裏應外合共舉大事本日姜
永令在官軍人王泰劉雄藏文各不合依聽前去花馬池
等處探聽延綏軍馬消息被把門官盤獲送聞叅將審明
解送楊總兵交收本月十九日有實錯何錦等說稱訪得
各路人馬已在中衛廣武靈州等處沿河堵截大小二壩
柴草俱各燒燬船又奪去誠恐吃開壩口水來難堵又恐
度口人馬過來你們如何處置錦等計議未定二十日曹
總兵領軍親到靈州本日有錦等差去巡河軍人報說瞭
見黃河南岸人馬灰塵約長三里往西行走實錯愈加驚

懼當差錦同丁廣張欽楊泰胡濟魏鎮胡璽李森陳賢劉
鉞何說姜永等統領馬步官軍都指揮鄭卿等三千員名錦
等分領一千五百員名前去大小二壩防守又分與劉鉞
姜永等人馬五百前去渡河去處把截只留周昂在城防
守本月二十一日周昂差徐欽去平虜城調馬一百匹來
寧夏聽用有徐欽後獲在官弟徐文孝亦不合同在數內
本月二十三日早有宣鑄出城祭祀社稷稷旗纛等神使人
喚仇遊擊陪祭仇鉞設計推病不出周昂自來看望仇鉞
就乘機密令伴當陶斌將周昂抱住仇遊擊同家人來得
用鐵骨朵打死周昂割下首級即開門吹號頭招呼原約

遊兵親信官軍楊真等一百餘人前到宣鑄府內將朱霞
王環姚鐸李榮孫景文史連孟彬高嵩夏琳朱洗陳宗俱
就殺死又將李蕃張會通并儀賓謝廷槐韓廷璋擒獲及
將宣鑄并宮眷拘係在官侯參議疎放就令軍人荀子先
馳報曹總兵等又差夜不收古興兒馬保前去大堡何錦
等領兵回城截殺是錦等聽言即發起兵行有古興兒暗
說前情與鄭卿知會鄭卿隨即布置所部官軍張帖木鮑
本魏文輕勢將胡濟胡璽魏鎮陳賢李森殺哲胡英又到
河口將巡河劉鉞姜永何銳等俱各殺死斬首錦與丁廣
張欽王輔楊泰脫走錦原掛討賊大將軍關防倉卒遺失

本日徐欽帶領原調人馬一百名前來寧夏見得城門關
閉知得周昂等被殺隨即帶領人馬復回行至中途楊福
堡仇遊擊差人連夜到平虜城着落王指揮差人復到楊
福堡只將百戶朱洗殺死其餘軍馬各回本城徐欽徐文
孝各騎馬匹逃在地名沙窩兒後因無計要出境外投順
達賊有官周升長陳敬祖俱係徐欽伴當彼時止知跟馬
不知別情比因徐欽逃走拿解寧夏收監二十四日錦與
丁廣楊泰王輔走到賀蘭山外地名哈刺木墩被遊兵百
戶馬總土達馬旺金寬夜不收陸華等將錦與丁廣捉鎖
前來楊泰王輔俱被衆軍亂箭射死張欽逃走徐欽徐文

孝行至地名芦溝兒忽遇達賊三騎追趕前來徐文孝棄
馬藏躲徐欽被達賊殺死本日楊總兵領軍過河本月二
十五日百戶姜忠被百戶李英伊弟姜恐被指揮張德各
捉獲曹總兵領軍過河鄭卿等送赴曹總兵處審實發監
日晚張欽飢餓難行復回大壩河口空廟內藏躲後又潛
到陳後堡被本堡軍人劉銳捉獲聞分守馮叅將帶領官
軍亦到彼處捕獲張欽劉銳就將張欽送與馮叅將轉送
曹總兵處發仰寧夏前衛監候隨於安化府尋獲姜總兵
原領符驗一道征西將軍銀印一顆安都御史原領
勅諭符驗各一道關防一顆交與新任鎮巡官收掌又尋

實鑄偽造見在黃令旗一十六杆紅令旗六杆令牌一十
面命詞二張陰陽等兵書一十七本曹總兵先已奏繳實
鑄鍍金銀印毀壞鍍金冊八塊儀仗冠服家財并錦等財
產見在者收檢在官實鑄其餘家財等項俱被寧夏官軍
人等乘亂搬搶無存五月十九日等日蒙 欽差總督軍
務張太監差管領神鎗太監陸閻帶領旗牌官楊義山王
璣等三次前來續又親統官軍人等督各官陸續將施恩
張欽今單封輔國將軍鼎林夜不收申居敬等五十八名
俱各生擒程保賈浩王卿楊舉蔣泰張閩徐愷朱成孫浩
陸原保十名俱斬首實鑄眷屬老哥兒等及各犯家屬賈

洪等一百七十名口拘獲在官本月二十八等日首惡丁
廣同謀高士俊并家屬賈九兒等二十四名口各陸續在
監患病身故相埋明白蒙總督張太監按臨會同總制揚
都御史茶行陝西曹總兵寧夏鎮守張太監巡撫馬都御
史揚總兵巡按同御史轉委黃副使許參議陳都指揮吊
取錦等再三研審彼時錦因懼怕劉瑾毒害又不合隱下
前項傳寫劉瑾專權用事及各官科要銀兩饋送劉瑾等
情不曾供出致蒙准信及審得儀賓謝廷槐因是安化王
孫壻逼脅在彼服侍委的初犯不知反情軍人周昇長陳
敬祖因是逃走徐欽伴當捉來委的不曾同謀釋放外將

錦等起解間馮經等七名亦蒙總督張太監差夜不收趙汝舟訪知陸續擒獲審據徐文孝執稱兄徐欽委被達賊殺死就令旨引前去蘆溝兒尋見徐欽身屍朽爛取其頭骨并毡衫布帳馬尾帽一同送官研審是實將程保并馮經等各家屬共一百八十六名口就彼監候李昇行仰鎮官問罪徑自奏請外將錦等并馮經等押解來京數內張會通等二十二名口陸續病故又該總制楊都御史將各犯家屬年甲并同居知情等項緣由備咨前來將錦等奏蒙會官鞫問前情明白取問罪犯張欽等七十七名并家屬並繼祖一百六十五名口各招同照出病故犯人張

會通等二十二名口各遵奉欽依張會通張禮係正犯行令所在官司挫死將首級解去寧夏地方梟掛周定係家屬斬首示衆朱哇子袁妙玉孟六兒王三哥范氏胡氏張漢趙氏何英何柰李剛馬永安卞桂花李所兒丁伴哥楊汝義奴陳保女兒何瘦兒俱係官眷家屬并教授高元吉行令各該地方領埋冥鑪印冊冠服儀仗金銀器皿等件及偽造封官命詞令旗誓牌告示印板并各犯沒官家產來文備開造冊繳照何錦招出劉瑾外結曹雄內結張綵劉機各先奉有欽依曹雄挈解來京張綵都察院并問劉機發落訖紀殿金榮并未到王九思史成周金保胡

顯陳淮阮宣楊綱張江俱另行會議得何錦張欽等七十名所犯俱各依謀反俱依謀者不分首從律皆凌遲處死孟繼宗等五十名俱依謀反父子兄弟及同居之人不分異姓及弟之子不限籍之同異年十六以上律各斬俱決不待時內周廣招年八十取自上裁高三兒等一百五十三名口俱年五十以下及母女妻妾姊妹若子之妻妾律各給付功臣之家為奴財產入官王太劉惟藏文俱依奸細探聽事情者律楊茂比依偽造諸衙門印信律各斬王得洪官域俱比依詐為將軍總兵官文書者律皆絞與王太等俱秋後處決謝廷槐依謀反知而不首者律杖一

百流三千里淮徒四年係儀賓照例送工部運灰完日還職與供明保安君多人簡招兒家人謫成各隨住臣等又議得今革爵宣鑄以王室至親為國家藩屏正宜恪守臣職而保障一方顧乃悖逆天常而謀為不軌戕害重臣屠戮軍士招誘諸路軍馬索取各鎮地圖搖動人心窺竊神器罪惡深重法所難容但臣等節該伏覩皇明祖訓內一欵凡親王有過重者遣皇親或內官宣召如三次不至再遣流官同內官召之至京天子親諭以所作之非果有實迹以在京諸皇親及內官陪留十日其十日之間五見天子然後發放雖有大罪亦不加刑重則降為庶

人輕則當因來朝面諭以禍福使之自親欽此欽遵臣等
難擅定擬伏望 聖朝體 乾獨斷割恩正法將宣鑄重
加懲治及將伊子台縉等一百四名口俱各量為區處務
在使其知所警懼不敢輕易犯法又查得先該 欽差總
督軍務御用監太監張永叅稱革爵安化王宣鑄係 宗
室懿親犯人何錦張欽等皆 朝廷臣子世受 國恩罔
思報稱乃敢潛謀交結肆行反逆迫脅官軍占據城池殺
害鎮巡重臣索要軍馬地圖鑄造關防偽封官爵傳檄邊
境搖撼人心意欲結構 醜虜併謀侵犯中原實地方非常
之變覆載不容之賊也 幸賴我 祖宗厚德深仁 皇上

神謀妙算邊將宣力諸軍用命元惡授首成擒祖訓昭然
憲章具在臣等固無別議伏覩節該欽奉 勅諭除首惡
何錦等三人不宥外脅從之徒果係迫脅為亂者悉與釋
放毋得濫及無辜欽此欽遵仰見我 皇上好生之德配
合天地雖窮兇極惡之人尚 垂矜貸臣等敢不祗承
德意緣構亂之時寧夏本城官軍士庶人等仰面事讎相
率朝賀接受賞賜聽從使令綱常為之蕩然名教為之掃
地言之痛心恨之切骨但干礙人眾遵奉 明詔分釋脅
從悉皆放免關過賞賜亦不追究其後獲犯人夜不收申
居敬等一聞周昂逆謀即有樂從之意殺人劫財乘機為

亂當霄焰方張之時實此輩黨惡所致若欲比諸脅從之
流則情重法輕非禁姦正亂之道但舉事之日方纔預謀
義兵一動當即戢止比之原謀首惡似有不同數內古與
兒初雖兇黨後乃聽受仇鉞使令傳說鄭卿捉賊若有去
逆效順之意充千係太全親男王得成于伏祐係事後選
補俱非原謀人數比之申居敬等又似不同平虜城官舍
徐欽程保等一十一名聽信夏林之調相從謀逆之舉路
自外來情非迫脅但伊事後方纔入城不曾相助殺掠正
犯程保等十名俱已誅斬其家屬丁口與申居敬等家屬
俱各挈獲發仰寧夏靈州等處監候奏請定奪及照安

化王儀賓謝廷槐雖不知情係竄孫婿難以獨留故土
教授高元吉職在輔導顛而不扶焉用被相通合解京發
落再照事內納米都指揮僉事胡顯領軍在外不顧主將
倡率士卒潰散回城寧夏左屯衛所鎮撫陳淮百戶阮宣
聽賚偽旨召調將官寧夏前衛鎮撫楊綱奉承賊意尋捉
分守官員揆以春秋誅心之法難照常人脅從之例管糧
通判張江本以章縫之流忍聽逆賊之用情雖出於脅從
義則難齒仕籍臣等所見如此伏望 聖朝大奮乾斷乞
勅廷臣會同三法司詳議除何錦等正犯外合無將申居
敬等明正典刑梟首於寧夏地方示眾其家屬丁口與程

保等家屬俱免解京就彼押發南方烟瘴地面充軍隨住
庶使情法兩盡可以警戒將來古與兒等四名應否俯從
輕典并見解儀賓謝廷槐教授高元吉在任都指揮胡顯
所鎮撫陳淮百戶阮宣衛鎮撫楊綱通判張江等通併原
情議法奏請明示竄謫庶幾少存無將之戒用防不道
之萌臣等又竊思皇上御極以來何負於宗藩何負
於武臣而真鑄何錦等忍為此事以厲宵旰之憂若一槩
從寬不究誠恐釀成姑息之風重貽將來之害唐末覆車
可為明鑒况好生者天子之德執法者人臣之義義有不
不共戴天法固難於寬縱此外果有原謀反殺人重犯待

後事發明白具奏施行及照各犯脫放見監重囚四十四
名燒毀各衙門文卷中間恐有別弊亦合揆究處治續又
叅稱後獲賊犯馮經等先在飲酒之時雖不知情及至臨
期明知丁廣等謀為叛逆殺害鎮巡重臣却乃依從指揮
使挾讐同閔添孫潘成將公差少卿周東并書吏屠成岳
寧殺死正係兇惡黨類法難輕恕楊茂偽鑄關防王得洪
偽篆討賊大將軍字樣事干謀反比之偽造印信情罪尤
重官域比依聽謄寫告諭文書刊榜傳播惑人心情雖脅
從其事亦重指揮李果雖不與馮經同謀但因夜不收搶
伊家財聽從真鑄指以陪償為由將官布一千五百疋盜

取入已於法有違除將李臬仰行鎮巡官取問應得罪名
徑自奏請發落其馮經等家屬與前解犯人申居敬等
事體相同應否俯從輕典等因具題俱奉 聖旨該衙門
知道欽此欽遵抄送兵部為照寘鐾係 宗室與何錦等
事干叛逆例該法司叅究會問上 請定奪及照馮經等
與何錦等事體相同合咨前去徑自查照施行等因具題
奉 聖旨是欽此欽遵備咨刑部又查得 欽差總制陝
西延綏寧夏甘涼各路軍務都察院右御史楊一清亦將
起解何錦等緣由題奉 聖旨法司知道欽此欽遵抄送
刑部看得前項起解反逆人犯到京在適合行處置等因

具題奉

聖旨是寘鐾并家屬送諸王館暫且隔別收住

着奉御蘆景常領長隨二名提督官校人等晝夜用心防
守毋致疎虞日用飲食着光祿寺照例送用何錦等送錦
衣衛牢固監着其餘家屬送法司牢固隔別監候着三法
司照例會同皇親公侯駙馬伯多官鞫問明白來說諸衙
門知道欽此欽遵續該刑部等衙門看得寘鐾何錦等反
逆事情重大未經定擬會問處所合無行移錦衣衛差撥
官校將何錦等緊關人犯押赴諸王館與寘鐾一併鞫問
惟復將何錦等在於 午門前會問寘鐾另行糾劾等因
具題奉 聖旨是何錦等緊關人犯押赴諸王館與寘鐾

一併會問來說欽此又該刑部等衙門將會問日期具題
奉 聖旨是便會同鞫問明白來說欽此欽遵依法鞫問
前來無異坐擬各犯應得罪名并議處宣鑄及宮眷發落
緣明白別無餘情臣等參照犯人何錦交通王府首倡逆
謀貪饜富貴扶立偽主張欽等一十一名協謀黨惡構成
亂階申居敬等五十九名聞謀樂從助張霄焰以致守臣
被其殺害居人遭其屠戮各犯罪大惡極律雖屢以極刑
各仍照例梟首示衆圖形榜示天下以為不臣之戒孟繼
祖等三十九名俱何錦等親屬同居之人俱律該連坐高
三兒王氏等一百二十三名口俱十五以下及母女妻妾

姊妹人等律該給配其王太等三名順從逆賊指麾爪探
諸路消息楊茂等三名各聽從鑄篆偽印寫刻為主榜文
問以斬罪法不為過謝廷槐初雖出於不知情後亦失於
舉首問擬徒罪情亦相應但查太監張永都御史楊一清
各原題本內俱稱數內申居敬等五十五名舉事之日方
纔預謀義兵一動當即戢止比之原謀首惡似有不同及
稱馮經先在飲酒之時初不知情似與申居敬等情亦相
類古與兒初雖兇黨後乃聽受仇鉞使令似有去逆效順
之意尤千係尤全親屬主得成于伏祐係事後選補俱非
原謀人數比之申居敬等又似不同謝廷槐雖不知情緣

係實鑄孫婿難以獨留故土續查都御史楊一清咨稱王
完王付俱係孫景文徐欽施英顧種田之人似難與知情
家屬例論職據申居敬等及古澳兒尤千王完等并謝廷
槐等合無照依前擬發落惟復別為區處再照見監寧夏
等處申居敬等與程保等馮經等各屬共一百七十九名
口父子父子兄弟并同居之人年一十六歲以上依律俱
該處斬十五歲以下及母女妻妾人等依律俱該為奴但申
居敬等情既異於原謀各該家屬釋亦當從末減合無仍
照總督等官所奏就彼押發南方瘴癘地面充軍家小隨
住數內程保等家屬李氏等不見聞有兒男合無行令彼

查明給配有功無妻官軍惟復別為定奪內古興兒等
四名情既與申居敬等不同其家屬陳氏等一十二名口
理難發遣合令隨住楊茂等三名家屬尤氏等七名口律
不連坐合當釋放未到都指揮胡顯臨陣先退不顧主將
所鎮撫陳淮百戶阮宣聽實偽旨召調將官鎮撫楊綱等
奉承逆賊意向尋從分守官員律有名餘法難輕貸所據
胡顯未到王九兒等俱合行巡按御史胡顯等提解來京
送法司依律問擬奏 請定奪王九兒等務要挨拏得獲
從重問擬具由面奏管糧通判張江不能堅守臣節忍聽
逆賊使令宜從貶斥用戒將來均乞 聖明裁處臣等又

思得革爵實鑄以藩王而叛 朝廷以臣子而悖 君父
敗壞綱常無復倫理正宜因法以著教懲一而戒百合無
俯候 命下之日仍將實鑄罪惡曉諭諸王府以為萬世
不守藩輔之鑑庶幾人心知所警懼而宗社可保無虞矣
誅大逆以彰 天討疏

一名劉瑾年六十歲係陝西西安府興平縣人原任司禮
監今降奉御自幼淨身景泰年間選入 皇城乾清宮各
應歷陞內官監太監正德元年十月內蒙改司禮監辦事
荷蒙委以腹心整理庶務瑾要得任意欺罔專權納賄慮
恐人心不服難以行事不合膠蔽 朝廷將各衙門大小

官員尋事鳴害以作威福科道等官一言觸犯就行拿來
決打枷號充軍以塞言路又不合招引無籍親識已發落
姪婿孫聰見監千戶張文冕等不合互相交結實緣作弊
以通賄賂又選委平覺官校一百餘員名聽瑾提督管事
害人不時差出天下司府州縣訪察官民賢否過失所過
地方重遭擾害從此人皆危懼莫敢言瑾過惡正德三年
六月內 欽蒙令瑾本監掌印管事瑾因權勢重大益無
忌憚內外百僚一應奏章不與各官計較亦不與內閣相
干徃徃袖回私宅專與孫聰張文冕各不合捏寫 旨意
屢更屢變是非混淆又不合串同該部將見監鄉里親識

張綵楊玉并未到曹維毛倫等布列中外以為腹心爪牙
又不合時常分付吏兵二部凡進退文武官先於瑾處計
議先行方許進本內有今日陞職若謝禮微薄明日黜退
或令致仕賄賂一通又即起用舊例銓補兩京堂上并方
面官俱推兩員簡用其餘知府以下止擬一人陞除瑾要
任意去取不分內外五品以上俱要兩員黜選又用接授
銀兩不由該部推選或徑傳奉或於別本帶批濫加陞用
以此選法沮壞人多不平又各處鎮守太監總兵巡撫副
叅游擊等官但由門下出身者不拘貪汙老疾一槩存留
此外雖有智勇廉幹亦就罷黜又如翰林院官選除已有

定制瑾不合巧立擴充政務名色將原任官員改調別用
却將太學士焦芳劉于今革職男焦黃中劉仁傳奉充補
京官六年外官三年考察係是舊例瑾要挾取各官賄賂
許令吏部不時考察又將各處舊設巡撫兵備等官不思
地方為重盡行裁革却任情添設巡鹽巡捕查盤等官騷
擾天下軍民府庫銀兩起解一空但凡朝覲公差鎮巡
等官俱要饋送少不滿意即令校尉搜訪小過羅織重罪
設科取士俱有定額瑾不合私厚鄉里擅將陝西等處鄉
試增添名數又將會試南北中三卷止分作南北二卷都
督神英本無開疆闢土大功瑾因受伊厚賂擅加涇陽伯

爵給與 誥券先任都督僉事今降級曹雄因伊男曹謐
是瑾姪婿不合朦朧擢用鎮守陝西地方伊因已故總制
都御史才寬領兵殺賊失機故被虜寇殺死才寬被曹雄
不顧主將臨陣退縮不行救援當被巡按御史叅奏瑾不
合挾私回護反將御史切責超陞曹雄為左都督又不合
擅改 舊制添設征西將軍印一顆欲將曹雄加陞伯爵
曹謐原係納粟監生不合希求進用瑾亦不合捏作以文
就武名色擅與千戶職事平江伯陳熊被瑾聽信讒言反
恠伊不通賄賂差人拿來誣以贓私法司問監守自盜雜
犯合死緣係應議大臣上 請被瑾將伊 先朝給有免

死 誥券盡行追奪黜削伯爵籍沒家產全家押發海南
衛分克軍江西寧府先犯不法事情已經 先朝革去護
衛瑾因接受本府金銀數多擅自准令復設又將玉帶二
條送與 寧府及差米承奉又准與南昌河泊所一處侵
奪民利激變地方瑾因脩理庄田又不合掘挖 天地壇
後土堆侵占猫竹廠等處官地五十餘頃拆毀官民房屋
三千九百餘間發掘民間墳墓二千五百餘塚蓋造房屋
千萬餘間與人賃住開設店房宿歇淫婦圖利肥己法司
問刑自有條例要得嚴刑峻法攝服人心不合屢為更改
不分輕重罪囚并強竊盜賊私益逃軍隣佑人等一槩妄

行枷號決打永遠充軍致死人命數多原問原審官員稍
不順從輒便罰打降級又凡文武官員不分公私大小罪
名罰米動至千餘石各邊沓爛糧草不係侵盜人員槩加
倍追多至人亡家破已故尚書秦紘通政強珍并都御史
錢穀致仕侍郎黃景都御史王嵩各原無反逆重情是瑾
不合懷挾私忿俱各籍沒財產家屬發遣充軍又凡職官
封贈犯該贓罪律方追奪瑾不合違例將弘治元年以後
不分充軍為民冠帶閑住等項一槩行令追奪致使 朝
廷恩典盡廢各處災異例該有司具實奏 聞瑾要朦蔽
一槩阻絕但遇欵天監奏有天象變異輒加罪打前年湖

廣地方災傷瑾不合假以賑濟為名奏差鄉里今為民韓
福前去科歛剝削銀兩饋送鉅萬入已以致地方民窮盜
起至今擾亂不息近年以來瑾又不合招引四方術士余
明余倫余子仁等各亦不合出入私宅占候天文相面算
命妄稱瑾未到姪劉二漢後有大貴又見財貨充盈威勢
張大及聞市井軍民號稱瑾為站的皇帝等語因而不合
輒起異心要得謀為不軌密令心腹未到兵杖局太監孫
和等不合依聽置造衣甲牌面約有千百餘付私假寶一
顆又不合令兩廣太監蔡昭潘牛各不合依聽置造弓弩
五百餘張藏匿私宅瑾待時起手又不合將小刀二把暗

藏扇內出入禁闈要得乘便使用又不合收養無籍兇惡
 假作伴當隱蔽家中聽用况各處屯田原有定額瑾不合
 擅差韓福并今已死大理寺少卿周東等前往遼東寧夏
 等處丈量起科以致人心不堪地方激變遼東錦義二城
 相率作亂毆打職官幾致反叛正德五年四月初五日見
 在反賊何錦謀同革爵宣鑄等將瑾激變罪惡刊印告示
 榜文各處張掛動搖人心謀立宣鑄為主殺死鎮守等官
 安惟學等又出令旨招集諸路人馬號名討賊致被該地
 方官備將前情并原刊告示榜文一併封奏瑾見榜內有
 瑾姓名不合容匿不行奏聞正德四年四月二十六日

朝廷得知寧夏反叛頒 詔天下慰安人心 欽差提督

軍務太監張永領兵征討將何錦捕獲瑾聞知寧夏平復

就不合規寫 旨意諱稱已功本身既加添祿米又將今

故兄劉景祥超陞都督又思前日頒行 詔書不出已意

不合將原 宥克軍罰米官員停徵糧草等件仍舊查發

追徵又訪得見監指揮徐鯤抄有宣鑄令書與人傳誦瑾

要得箝制人口將伊故入斬罪全家定讞着西南丹衛永

遠克軍家產沒官本年八月十三日太監張永班師回京

備將瑾前項不法事情開條具奏蒙罕送錦衣衛鎮撫司

監候隨於本家搜出前項假置違禁衣甲牌面弓弩等件

金銀數百餘萬寶貨不計其數科道等官備將瑾各項事情條陳奏奉 欽依將瑾等挈在 午門前三法司鞫張文冕等該衙門從重問結未到劉二漢并親屬同居人等及別有干礙人犯另行各衙門拿獲緝訪至日另問奏請定奪外將瑾等取問罪犯 一議得劉瑾所犯除詐傳詔旨變亂成法紊亂朝政專權選官假與人員互相交結黃緣作弊持刀刃入 宮殿門發掘故塚各斬絞等罪不問外合依謀反者律凌遲處死決不待時財產入官雖出外二漢及親屬同居人等并孫聰曹雄毛倫曹謚韓四余

日明余倫余子仁孫和潘牛蔡照等俱另行劉瑾所壞事情逐查明白徑自奏 請改正參照犯人劉瑾本以險邪謬膺重託盜竊政柄播弄威權擯斥忠良援引姦黨管爵視苞苴為進退刑罰任喜怒為重輕黷貨積如丘山人命等如草芥專權亂政於今五年蠹國害民非止一事毒流中外惡貫古今 祖宗百餘年之元氣斷喪無遺 國家億萬載之紀綱變亂殆盡自歷已往之罪已負滔天尚昧無將之戒深懷不軌偽造寶印而反狀已形私蓄甲兵而逆謀已著似此不法宜當速誅極刑伏望 皇上獨奮乾剛大彰 天討即將劉瑾押送市曹明加显戮梟首示

眾仍將本犯招情并處決屍形畫圖榜示天下以為臣子
萬世不忠之戒再照劉二漢并親屬同居之人希圖富貴
顯有共謀之情孫和等監造衣甲難逃知情之罪張文冕
孫聰楊玉石文義張綵韓福等互相交結夤緣作弊變亂
選法激變地方毛倫曹維蔡照潘牛余日明余子仁余倫
等或謀陸重職私獻軍器或出入私門妄言禍福焦芳劉
宗濫掌銓衡謀入內閣焦黃中劉仁曹謚倚仗父勢傳奉
要階所擬各犯俱合等問明正典刑但數內張文冕楊玉
張綵咨都察院等衙門合行從重問結孫聰毛倫曹維韓
福焦黃中劉仁曹謚俱已奉 欽依發落惟復別有區處

蔡照潘牛余日明余倫余子仁合行各該巡察御史提解
來京劉二漢并向居親屬人等及絲和乞 勅錦衣衛逐
一緝拿通送法司依律問擬其事內別有干碍重犯許各
該緝事衙門從官員訪獲送問通行奏 請定奪

分別情罪輕重疏

會問得犯人一名劉吉年五十三歲係江西撫州府臨川
縣民狀招言自幼私自淨身投入寧府收充火者歷陞任
承奉先年寧府原有護衛後因不法革改南昌左衛弘治
十一年有今死宸濠襲封寧王正德二年間宸濠要復護
衛差已故內官梁安賄通逆瑾朦朧奏討准復改為護衛

正德五年八月內逆瑾事敗仍革為南昌左衛訖有宸濠
因愛在官樂人秦榮質美會唱為伊奏討樂官伊就不合
因而出入宮闈撥置行事後宸濠恣肆妄為意生不軌常
請已故術士李自然等推命相面妄稱伊有天子分又招
已故術士李日芳等看得本省城內東南有天子氣穴就
蓋陽春書院舊號離宮時去遊樂又將西山地名青嵐
先朝禁革龍口舊穴葬母俱要謀當其氣又暗蓄姦謀誣
陷宗室打死軍民不計其數每年指收祿米違例每石
折銀二兩過限陪徵訪知先任江西按察使鄭岳要行劾
奏就暗令與伊有讐今罷關未到本司副使李夢陽不合

依聽將跟隨鄭岳門子劉奉送府拷打逼供無名賍私奏
陷鄭岳為民正德九年正月內宸濠要行謀逆密與吉并
在官承奉徐欽典寶等官熊綬黃瑞在逃陳賢已故萬銳
致仕都御史李士實舉人王春典伏徐紀校尉盧孔章趙
隆及秦榮商議要先謀復護衛方好整備軍馬圖謀天下
就假以地方盜賊生發為名借指祖訓粧飾成本因見
已處次都督錢寧校為朝廷義子專權亂政已發遣樂
官臧賢出入內府另起見監人監張雄掌管司禮監事在
官太監商忠少監盧明俱為張雄心腹朋黨用事教坊司
樂工晉良先年授在本府教演小幼彈唱素與臧賢情熟

就差晉良隨同徐欽萬銳盧孔章趙隆徐紀齋本赴京謀
幹先將銀五百兩與晉良托伊將銀五千兩引送臧賢又
將銀四百兩與伊已發遣女婿施銳司鑑求為打點就托
臧賢將銀一萬兩送與錢寧各不合接受又送商忠盧明
各銀五百兩托伊引送張雄銀三千兩寶石廂帶一條彼
因另起見監太監張銳坐殿行事恐伊阻撓亦將銀二千
兩托臧賢過送與伊亦各不合知情接受入已宸濠又因
彼時見任兵部尚書在官陸完曾任江西按察使往來交
厚亦令徐欽盧孔章將金臺盤一副重十兩段四疋饋送
央伊扶持陸完亦不合接受許允徐欽等方將前本奏行

部彼有陸完於查覆本內雖稱難將該衛再復却不合
又稱寧王以太祖典章為言合行會議具本覆奏有錢
寧張雄臧賢各因得受重賄不合共為欺罔傳批 特旨
將護衛屯田俱准改與宸濠管業續奉 勅書到府有本
衛指揮千百戶等官已故王信等正嫌平日三司轄制各
喜入府得以倚勢行事有宸濠得遂奸計為惡日甚彼先
任江西按察司副使胡世寧奏宸濠聞知祝情具本令
徐欽等赴京將胡世寧誣害就齋帶銀兩饋送錢寧三千
兩張雄一千兩臧賢五百兩盧明三百兩各不合接受扶
同將胡世寧蒙蔽具奏誣陷遼東克軍彼因在官少監秦

用趙秀俱在司禮監文書房辦事曾打探消息亦各將銀一百兩送伊等各不合接受訖以後宸濠愈加恣肆故行羅織撫按三司等官非禮鉗制使皆吞氣隱忍不敢非議又密令吉等招引慣熟武藝強賊在官揚清未獲李甫王儒等百有餘人入府號稱把執及招素在鄱陽湖打劫已故賊首楊子春等領賊徒令與楊清等各不合依聽合夥不時出外劫財入府分受正德十年三月內宸濠謀要舉兵須得軍師方能濟事訪知安福縣已故舉人劉養正素有才名多讀兵書隱情差未獲審理蕭宗瀛前去招請到府有宸濠因與講論未時陳橋之變有劉養正就不入

和宸濠有撥亂之才當受賞銀五百兩密約待時舉事有吉余欽萬銳黃瑞陳賢已故內官陳學茶永秀指揮王信王麒在官儀賓李世英已故張高校尉火信林華等各思宸濠舉事用費浩大各不合多方設計謀為聚財招納姦人投獻田產強占官湖倚勢販賣私鹽胡椒蘇木等貨攤放官本稻穀加倍取利假代兌軍多收銀兩重科夫價軍民遭害百端正德十一年二月內有今死瑞昌王拱棟將置買田地投獻宸濠加租被佃戶魏志英抗違不納良民辜增守正不阿宸濠嗔恚就令陳賢帶火信楊子橋已故校尉周孟清葛鎮等統衆前去將辜增魏志英家眷二百

餘人盡行殺害房屋焚燒一空本年三月內有引禮方价
因為逼令鄉民辦納宸濠原放官本稻穀被不知名人讐
恨暗行殺害訖有宸濠見得 朝廷未立東宮要得圖謀
大位密差萬銳同林華等前來饋錢寧銀三萬兩臧賢一
萬兩謀求將伊今故長男大哥假以上 廟燒香為名迎
取來京彼有錢寧臧賢因受重賂各不合心懷異謀暗行
許允先令林華回報隨又詐稱 欽賜將玉帶金相寶石
鬧裝帶各一條綵段十對副與萬銳賚送宸濠傳令本府
官員穿紅四十餘日專待錢寧傳取本年七月內有已故
吉安府生員康昭來省城科舉劉養正因恨伊時常在入

前非交結宸濠就寄書與王春并平素在府行走未獲
琴士馬効良不合扶同誣捏事情撥置宸濠設計令秦榮
不合依聽將康昭羅織打死事發囑官塌案不行有原任
南昌左衛指揮戴官陞授兩廣守備宸濠恠伊見遲禮薄
登時打死將伊財產盡行收府及將伊男監禁五年女賞
已故儀賓陸程為妾宸濠因見陳賢行事乖便專令邀截
上下公文及串通各衙吏典未獲熊世蕃等獲故門子吳
漢等各不合依聽抽捺以致百端不法不得 上聞正德
十二年有不在官原任本府典寶閻順內官陳宣劉良脫
逃赴京具奏宸濠不法事件被伊聞知當將已故內官雷

龍未到幸明李勇馬安拷問招稱承奉周儀主使怒將周儀并家人六十餘人及典仗查武等盡行打死令吉齋本赴京捏奏要將閻順等陷死當送臧賢銀一千兩錢寧二千兩張雄張銳各一千兩各不合接受控同閻順等俱發南京孝陵衛克軍訖彼因求討消息又送盧明銀二百兩趙秀秦用各銀一百兩亦各不合收訖宸濠復與李士實并吉等相議圖謀天下必須慣戰賊徒當令王春徐欽等招募已故賊首凌十一閔念四萬賢一萬賢二熊十七在官閔念八熊十四等并手下賊徒各三五百人及四外亡命遊食強竊盜賊脫死克軍徒犯與楊潛并未獲原招

把勢樂盛等不計其數藏縱丁家山等慶各不合分夥內劫掠新建等縣民人羅慶三等家并各處庫藏及各客商船隻財貨送府平分又賞幣厚結廣西土官軍狼兵并南贛汀漳峒蠻欲圖為應差人廣東收買皮張入府造作皮甲招藏四方匠作打造鎗刀盔甲及佛郎機鏡各樣兵器隨差已故舍人童茂即彭茂王親方俾各往河南收買馬匹又差在官監生方儀亦往河南省城向李夢陽求討陽春書院詩文伊止作詩二首付方儀回還聞知宸濠逆謀亦不合不行舉首有徐欽令伊未獲家人姚元佐即張雲賓不合共謀將帶銀兩前往揚州府招召慣熟武藝好漢

已故教英未獲郭霽引見宸濠共給與銀一百四十兩各
不合聽從領受募兵就假以雇借好漢護送貨船防盜為
名教英雇在官金童黃昇尚惠有郭霽雇在官樂鳳張貫
每人各受雇銀三兩同到儀真地方各訪知係是召募助
逆隨即懼罪逃散各不合不行赴官舉首宸濠又令姦人
暗藏於南北直隸山東一帶進京沿途鎮店去處假名買
賣卑一接報京中事情待時起手時常邀請李士實劉養
正王春各不合謀說即今起兵恐四方人心未服必須厚
結 朝廷頻頻 進貢茶芽方物金銀玩器等項務得親
信不疑及差人打探動靜沿途埋伏健步快馬限以十一

二日報知一遇有警便好起兵等語當就節差徐紀趙隆
盧孔章林華及已故校尉韓江各不合從謀往來京師打
聽不絕本年十二月內有在官太監畢真前來江西鎮守
不合將玉帶寶石各色紵絲紗羅羊酒馬匹進送宸濠結
好正德十三年正月內有江西清軍御史范輅因與畢真
爭論坐席及辨朝王服色畢直懷恨不合商同宸濠捏奏
范輅提解到京問罪降職本年二月內遇蒙 太皇太后
崩逝有少監盧明因素與宸濠交往情厚不合營求齎捧
報訃前去 開讀得受宸濠銀三千兩宸濠又令吉與涂
欽黃瑞相送盧明行至地名吳城置酒相待回還被已故

賊首吳十三等將金銀酒器劫去行文撫按拿吳十三等俱怕投托閔念四將原劫酒器送還宸濠就令吳十三等與閔念四等同行打劫先加厚賞安慰圖致其力彼有宸濠飾詐要名求賢講學主都御史因薦伊今故門生湖廣武陵縣舉人李元亨即冀元亨往見意欲用善開導比因議論不合冀元亨隨亦回還訖有死節巡撫都御史孫鏊亦因宸濠為惡日甚逆謀漸露屢行具本劾奏俱被設計邀截訖宸濠當於南昌府縣索討夫馬多派葬祭銀兩節被知府鄭欽阻拒不從致恨在心本年八月內吳十三閔念四閔念八凌十一等打劫建縣庫銀七千餘兩與宸

濠分用又被鄭欽密差快手聶鳳捉獲窩主何順監問閔宸濠愈加嗔怒差人將聶鳳捉挈夾打逼供鄭欽無名贓私又有萬銳表兄伍吟犯該徒罪曾被鄭打二十在監病故萬銳告知宸濠就將前事捏飾具本誣奏輒將鄭欽拿送按察司監禁本年十一等月內有李士實在官李汝禎女婿方侃萬銳姪徐大才萬銳姪萬桂并李綦俱以監生給領本布政司批文前來國子監復班肄業方侃萬銳徐大才李綦各明知宸濠與李士實等又謀反逆各不合不行舉首正德十四年正月內宸濠要得暗收人心商同李士實王春各不合捏造孝行有畢真亦不合知謀主張寫

成呈文遍令南昌府縣學官生員耆老人等具呈都布按
三司轉呈鎮守撫按衙門會奏要求虛譽取信 朝廷隨
有畢直改調鎮守浙江宸濠要伊預備人馬前來助逆當
將銀三千兩金壺一把盤盞四副并器皿茶芽等物送行
又將銀三百兩給賞在官叅隨張浩等各不合知謀接受
許允本年四月內宸濠因前幹取伊男來京上 廟燒香
逆謀久未得遂復謀同未獲門副徐繪假以 進貢茶扇
為名不合依聽收帶銀一萬兩金臺盤七副銀臺盤十副
到京交與盧孔章趙隆轉送臧賢打點彼有在官護衛指
揮樂節舍餘孫福已故賈勝俱承差護送徐繪前來彼有

在官本府校餘柴忠余瓊各另起進茶齋冊在京亦常往
來看望各知前謀不合不行舉首本月內有徐紀等回府
傳報 聖駕將巡山東泰安州等處宸濠陰遣秦崇等於
大院內張設勾欄搬演雜劇預令李士實等撰寫疏詞差
人浙江直隸等處各路粘貼招致遊俠光棍引誘四方人
心意在扇惑傳聞京師邀請 駕臨因而伏兵圖謀篡逆
比有畢直前到浙江不合假以操演官軍為名就各重賞
銀兩暗邀人心及又打造盔甲兵器數千餘副堆積本鎮
衙門待時起兵助逆本年五月內宸濠又挾讐擅率瑞州
府知府宋以方送按察司監禁宸濠惡逆彰聞致被科道

官將伊謀為不軌事情劾奏蒙 欽差賴太監崔駙馬顏
都御史前去省諭查革護衛被錢寧密令林華星夜前去
報說前情宸濠自知反謀敗露即召吉與在官承奉等官
涂欽黃瑞熊綬在逃陳賢已故涂永秀周瑞萬銳陳學喻
才并都御史李士實舉人王春王親婁伯儀眉張高陸程
李蕃都指揮王麒王信指揮孫隆典膳羅璜引禮盧鏞校
尉火信唐全在官儀賓李世英熊傑葛江典儀丁瑣樂官
秦榮大戶謝天一賊首閔念八熊十四楊清已故凌十一
閔念四吳十三楊子喬熊平七萬賢一萬賢二凌十九凌
全雷漢四趙燿十九各進府商議宸濠說稱如今差官勘

我府中事情革我護衛若不起手斷然不好十三日是我
壽日鎮巡三司等官必來慶賀候其次日謝酒就脅令各
官順從起兵彼若不從即行斬首警眾大事就定比吉與
李士實等各不合回說此謀最好宸濠當將李士實偽授
國師吉等俱偽授太監又說事定李士實為左丞相加封
國公王春尚書其餘俱陞極品文職王信等俱極品武職
李世英等俱駙馬各喜允叩謝訖又議差已故舍人王華
請劉養正速來定計及令閔念四等各集賊兵三千聽用
彼有畢真亦差張浩引領未獲張倫曹松將帶禮物前來
賀壽宸濠當賞銀三百兩就留張浩不合知謀在府潛住

當遣張倫曹松各不合依聽徑回浙江通報畢真知會至
十三日鎮守撫按公差并三司等官進府賀壽筵宴各散
十四早宸濠密令凌十一楊清閔念四火信張浩等俱暗
藏兇器傍立有鎮巡三司等官前來謝酒行禮至三拜宸
濠即出殿前臺上詐說太后娘娘有密旨着我起兵你
各官知大義否有都御史孫鏗回說既有密旨請看又問
副使許逵如何本官回說只有一點赤心宸濠怒說殺這
不知大義官以定民志有李世英不合在傍贊殺就令王
信張昌監斬凌十一等綁縛各不合聽從當將孫都御史
許副使押出在於惠民門內殺害仍將各首懸掛城上以

挾衆心被有另起見問鎮守太監王宏叅政王倫按察使
楊璋僉事潘鵬師夔采到巡按御史王金布政梁辰胡濂
叅政劉斐程杲叅議許效燕楊學禮副使賀銳唐錦僉事
王疇賴鳳都指揮馬驥白昂許清王把南贛守備鄭文南
昌府同知何繼周通判張元澄等南昌縣知縣陳大道新
建縣知縣鄭公奇各不合俱畏殺害不敢執義抗言并另
起見問經過叅政李敷未到公差主事金山死節馬思聰
本布政司叅議黃宏鄉官郎中塗文祥俱被綁送儀衛司
等處監禁宸濠當差塗欽到各衙門追取印信關防又差
喻才去布政司盧鏞去南昌縣在官儀賓強文盛去按察

司未獲典膳胡玉去南昌府典儀李章去新建縣各不合
依聽前去搬取庫銀布政司一十二萬兩按察司一萬三
千四百三十六兩南昌府四萬五百二十六兩南昌縣九
千七百九十兩新建縣三千三百二兩俱運送府內募兵
賞人又召宗室及內外官員進府說稱今舉大事你各人
務要盡心贊助事定之後宗室加爵祿各官重加陞賞等
語當有李世英等俱素通逆謀各不合倡率已死宜春王
拱揖鎮輔將軍覲鉞宸溲宸瀾宸溲覲瀛宸溲拱搢宸溲
宸汲宸湯宸濶宸產并已故王親方倬儀賓陸程熊瓊于
全在官強文盛徐淦鳳張濤蕭奇李淋徐輅賀浚周煥李

經羅朝紀未獲蕭相董講傅澄黃亮鄭讓葉清楊潢已故
長史郭銳教授葉泰良醫劉文華典膳白泓徐鏗在官胡
通鎮未獲胡玉已故引禮馬萬里在官朱會价沈整蘇文
四未獲熊裕白金審理蕭宇瀛典儀李章工副毛潏在護
衛指揮丁綱楊昇已故張隆千戶夏振唐玉巖琪李雄孫
賢在官何綬朱煜馮旻周勇周鼎鎮撫聞鳳已故吳宣百
戶楊璣謝昇高洪盛德張鳳在官袁桂於麒鄭鳳宋富儀
衛正顧鎮顧雄前衛指揮徐芳吳松何鏗劉勳已故曹儀
未獲侯昇在官千戶徐銳已故楊永并劉瑯未獲弟劉指
揮即劉璋舉人魏榜魏檄謝鳳已故甘桂監生余祥義官

熊濟未獲省祭官黃海胡鐘琴士馬效良崑山縣民胡吉
把勢李甫王儒樂盛在官逃軍范鳳校尉倪六未獲倪芳
盧永成盧永富已故吳樂徐玉盧永芳陸鑑徐倫張宣王
鳳周孟清葛鎮陸彪趙賢趙智倪慶倪陽王秀朱輝陽樂
樊林龐鐸吳鸞高童薛勝王淮徐英王隆趙十四朱英朱
真洪禮火義李成王雲亦各不合隨同稱呼萬歲宸濠又
令涂欽等將都布按三司府縣見監一應輕重囚犯盡行
放出又將知府鄭璵宋以方取入儀衛司監禁隨令黃瑞
脩黃船六隻及虜官民船隻聽用傳令十七日起程徑往
南京慮恐操江船衆今吉與陳賢王春等預雇各處漁戶

沒子手一千餘人要得隨時鑿穿操船有凌十一閔念四
吳十三楊清在傍各不合說稱萬歲但放心南京城池只
消我四人管定打破宸濠大喜各賞銀一百兩本日晚宸
濠將閔念四閔念八凌十一吳十三萬賢一萬賢二熊十
四熊十七俱偽授都指揮楊清范鳳俱偽授指揮就令凌
十一統領凌十九凌人雷漢四等吳十三萬賢一統領已
故吳成五等閔念四閔念八統領已故閔大賓解十二等
各賊兵二千餘人號五千楊清統領原招各處善射二千
餘人號四千五百就將虜得官民船三百餘隻裝載號稱
先鋒與同涂欽萬銳孫隆熊僚帶領于全各不合前去攻

打九江南康又差熊綬陳賢葛江率領何堂楊昇徐銳各不合前去吳城地方截虜糧船有在官孫澄因素與熊綬踢毬相好亦不合跟隨上船宸濠又令謝天一方倬并在官大戶鄧時已故歐陽文五姜乾一裘鳳五萬士盛在官監生秦婁一未獲生員徐大用齊倫各不合臨時順從招兵助逆有在官舉人裘衡明知伊父裘鳳五從逆不合不行首官宸濠又令陳賢點集楊子喬等賊兵并在城已故快手姚鳳曾記宋華鄧林余炳宋乾王定張五張六楊崇楊松熊玉辛六夏隆朱珊向通袁五熊貴曾先范祿杜斌杜隆羅玉朱昂王祥張祥金十三李貴黎方余方李俊周

賢李朴吳黑子王貫王行陳清葉秀并未獲聶魁等四十餘人俱屬范鳳管領各不合依從聽候攻打府縣又差已故義官劉觀領銀三百五十兩收買流黃焰硝合造火藥又曾差未到前衛指揮養廉千戶秦誠李瀚康靖百戶楊斌各下屯點取屯軍各官俱即逃避不從又差校尉趙智等各不合聽從前去浙江密會畢真太監等助兵及差儀賓李蕃李世英前往瑞州等府華林瑪瑙等處王春前往豐城奉新二縣婁伯帶同在官家人婁福童前往進賢廣信并橫風室等處陳學已故弟陳學八前往東鄉縣各不合聽從追印招兵比瑞昌王拱拼亦票差未獲內使黃萬

與余雄校尉黃賢等各不合前去貴溪縣徃日交通王親
已故義官江城家招兵江城回書依從彼有伊在官弟江
梧不合知情不首當被各縣知縣顧似劉源清劉守緒馬
津黃堂等各率兵截殺有王春陳學八等奔回婁伯等各
被殺死婁福童等脫走潛至廣信不合起取伊一般家人
已故婁童等同來助逆彼有婁伯方居族叔在官知縣婁
懌及婁怡在官家人婁墨童各不合知情不首宸濠又令
羅璫將布政司叅政王綸職銜寫牌為開路取兵事差已
故承差金大用齎赴前去萬年縣招取姚源洞等處賊兵
彼有王都御史前住福建公幹將過省城宸濠聞知即差

喻才領兵六百餘人裝作機兵屯伏地名生米觀邀截有
王都御史行至豐城縣地方聞變即行回還奔赴吉安府
往劄隨將宸濠反逆事情具奏督同該府知府伍文定等
及通行所屬并隣省各府縣共起義兵前來征勦有熊綬
於吳城捉虜前衛木到運糧千戶劉標百戶梅樛茹富將
伊糧米分給賊兵又有在任前衛千戶吳欽不合跟隨熊
綬將各處運船截虜十六日劉養正引帶已故門生王儲
到省宸濠親出南浦驛接入府拜授軍師又許事定陞
左丞相加封世襲國公王儲重加陞賞劉養正隨又寫書
招致已故門生新淦縣生員劉子達戴雲各不合依聽來

府一同計事有宸濠議要僭稱大號及改年順德比劉養正李士實各不合議稱起事之初未可遽稱大號改易正朔待至南京正位然後稱號改年布告天下豈不為好宸濠聽止令吉查將前護二衛旗軍并儀衛司校尉共八千三百餘名及招到山西賊徒并省城脅從居民共二萬五千餘名就將本府私造及前左二衛并民局各收貯火藥盔甲器械俱給與領用宸濠又令秦榮同伊已故舅秦道及俳長赤定起集本院樂工并招引流民二千餘人號五千分與已故樂人鄭貫王憲張天祿祝洪陳祿胡祿志六張得并未獲羅弘雷成各不合順從分領又有李世英招

引趙燿十九帶領已故賊趙祥四趙祥十八趙祥四趙子慶熊五十八蔡松九李堂李信十彭景李慶彭受德等十九觀忠李甫等八百餘人并李蕃募兵三百餘人宸濠就委李世英李蕃秦榮各不合管領隨又招已故吏布政司谷穗主大章易鳳胡用文羅弘陳仁南昌府丘廷僖按察司王世寧各不合依從入府受賞冠帶聽用彼有涂欽等督率衆兵將南康九江二府城池攻破進入萬銳熊僚孫隆及于全各不合督兵占據涂欽隨差在官軍餘黃堂萬銳亦差未獲醫士陳江各不合依聽報捷各受宸濠賞銀二十兩涂欽又領楊清等賊兵就從九江前往湖口徑攻

安慶去訖彼有南康府安義縣未獲巡捕主簿董國宣原籍臨清州人帶領已故舅董茂隆女婿陳麟未獲快手張萬貫陳高八等五十餘人各不合來投涂欽名下從逆助兵有熊綬等將前虜運船糧米駕至省城宸濠令何堂葉忝各不合督同儀賓李琳百戶錢煜各不合懼害依聽管理支散軍校及領倪慶等不合聽從賑濟省城飢民又差陳亨等在湖口等處虜得河船三百餘隻黃瑞虜得船六百餘隻回省編甲完備給賞銀米聽候啓行有原監叅議黃宏主事馬思聰各守節抱恨不食而死宸濠又與李士實劉養正王儲王卷計謀布檄天下誣謔人心劉養正李

士實就行撰造偽檄及安民偽榜專一指斥乘輿放免稅役俱用木板雕刻印刷各千餘張俱不用正德年號止稱大明已卯又將布政司印信鈐印公文咨行天下諸司諭降又脅差叅政李敷齋往王都御史并廣東等處未到南昌府縣學教官達賓趙承芳金清唐曰仁齋往吉安府南贛等府俱執其妻子為質仍差校尉管押及又脅差九江府公差在官舍人哈英高策曾顯齋往饒州府各不合畏懼殺害替伊齋送行至吉安等府地方各乘機逃走被各該地方盤拿押送王都御史處將原押校尉殺訖檄榜公文燒燬李敷等各收候監禁二十三等日宸濠遣拱樛祭

旗纛關王廟教場三處又偽勅吉提督軍務及將叅政王
綸加叅贊軍務各不合聽從同往教場閱兵宸濠僭祭
天地宗祖及遣郡王拱樛等祭告山川城隍等神并西山
青嵐等六處墳塋宸濠又令吉將前查過軍校編為一百
四十餘隊分左右前後中五哨派令都指揮千百戶等官
王信王麒與同丁綱張隆曹儀劉勳周勇周鼎夏振唐王
馮旻楊永何綬并在官指揮宋欽未獲賈弼百戶歐隆張
俸俱分接管哨及今校尉火信唐全與同葛鎮周孟清徐
玉姚十四倪六王鳳倪芳等二十八名俱分授提調執旗
領兵各不合聽從管領又督令已故前千戶侯杲未獲傳

英鄭春唐榮杜昂張斌徐隆徐賢陳鞏土椿龔景陳鈞
戶張綱孝欽陳詔黃鑑護衛千戶李隆袁勳百戶馮春高
璿蕭儀亦俱分接管哨兵松徐芳朱煜聞鳳袁桂於麒盛
德張鳳顧鎮顧維并未獲指揮從定陳琦千戶王爵王鸞
百戶馮淮陳麒劉綱顏王揚威李幹在官鎮撫吳雄俱分
管執帶鎗刀旗牌儀仗防護等項各不合懼害依聽管理
聽候又令丁璜羅璜盧鑄張高黃瑞喻才陳學徐永秀各
不合督令在官傅明曾寄吳金即吳欽樂圖樂平已故梁
偉程鸞吳裕孫戩樂奇龍言樂瑣樂秋胡用萬福羅祝蕭
文未獲李昂劉榮等七十餘人俱各不合依聽隨行供事

又督令在官儀眉彭絳強文盛未獲魏銓夏英秦友源魏
峯錢浙王謹萬岳劉浩顧觀祥前衛指揮夏繼春千戶劉
鸞吳耀已故高洪百戶戴銘未獲趙昂劉勳楊玉姚芳董
鈺陳瓚呂甫王節張琦王昇護衛千戶孫忠曾順李維已
故張倫嚴琪鎮撫吳宣百戶謝昇田鎮楊瓚未獲屈英孫
文趙頃王鑑李祥郎會在官宋富鄭鳳典膳虞番各不合
懼害分按看守城門布按二司府縣彼有已故義官熊濟
校尉洪禮火義李城趙賢王雲盧永芳朱真朱英未獲永
成盧永富各不合聽從差委專一巡風打探消息及又令
陸程周瑞督今在官儀眉袁瓚孫錄未獲賴純蕭瑩陳善

能護衛千戶路達已故孫賢鎮撫陳淮未獲梁富百戶王
清田盛周旻傅憲周暹王憲周綱凌銓徐掇劉昇阮芳王
佐李宏已故李旻未獲前衛千戶姚鉞陳偉在官儀衛副
胡順已故典仗嚴雄長史郭統伴讀宋善正良醫王用未
獲王廷秀孫記宗紀善李存恕典膳雷勤辛正廖乙庫宮
孔俊楊瑞倉官李才寬潘倉官已故戴恩并內官洪貴鄧
永富張文馮容張俊孔丘樂竹劉綱等四十餘人俱看守
王府門殿倉庫蕭墻等項亦各不合懼害依聽分按管理
彼有未到紀善譚漢典膳周瓊劉孟翊徐子文謝居鄭興
在官引禮蘇文四各因年老疾懦不曾用事各不合不行

舉首宸濠令吉與陳學將銀給賞前護二衛官軍各多寡
不等每軍又各賞米一石又令朱真與未獲民吳景賢等
各不合聽使將銀分送梁辰胡濂劉斐許效廉楊璋賀銳
唐錦師夔潘鵬賴鳳各一百五十兩程果王疇各一百兩
經歷尹鷗知事張澍照磨雷燮各十兩馬驥許馬吉并王
紀各一百三十兩俱交與各官家人懼害各收領後俱首
官貯庫訖又分送宗室將軍各一百兩段二疋隨行同謀
各主將軍又各重賞不同宸濠將萬銳取回偽勅鎮守江
西已故護衛指揮余雄總督巡守余祥謝鳳王儲劉子達
徐大用齊倫俱偽授主事甘桂與李士實已故男李汝祺

俱偽授錦衣衛指揮涂鏗偽授光祿署丞仍令伊等各不
合依從一同留守宸濠又令觀鑰拱樛周瑞陸程守府協
同萬銳督理內外防禦謝鳳余祥與馬效良各隨同贊畫
及撥樂安鎮國五將軍觀鍾八將軍觀鉞瑞昌輔國二將
軍宸渠四將軍宸潛五將軍宸浣石城鎮國六將軍觀鍾
七將軍觀鉉宜春輔國三將軍觀鈿八位俱守城牆宜春
輔國四將軍宸漢瑞昌鎮國二將軍拱樛奉國六將軍拱
樛弋陽鎮國八將軍宸澳九將軍宸灑俱守玉門仍率領
已故儀賓王伯純未獲歐釗王達孫賢熊浩楊章護衛致
仕千戶朱埕內官胡永清黃永淳康榮郭福林福吳清等

各不合依聽者守青嵐等處墳營彼有南昌縣已故致仕
知縣甘楷聽招入府與同秦婁一萬士盛鄧時各不合幫助
守墳宸濠又將胡濙劉斐許效廉唐錦賴鳳王玘并同知
等官各拘留本衙門仍差兵校分投監守彼因楊學禮陞
陝西叅政疎放赴任去訖宸濠又差官校舍人已故周成
戴廣陳仁管押師夔不合依聽前去九江勞兵撫民七月
初一日宸濠帶領宮眷人等及令諭拱揖觀銜宸瀾宸瀾
宸瀾宸瀾拱揖宸瀾宸瀾宸瀾宸瀾宸瀾宸瀾宸瀾宸瀾
安鎮國將軍宸洪與前撥管哨等項人員王信等一同上
船又將王洪杜甫王金金山梁辰程果楊璋賀銳王疇潘

鵬馬驥白昂許清郊文鄭瓛宋以芳塗文祥菊押隨行令
凌十一等賊船到夾左右防守彼有宸濠祭江又令吉與
王綸各不合依聽披戴盔甲隨侍初二日開船起程初九
日到於地名黃石磯宸濠因見徐欽等領兵先攻安慶不
克素知潘鵬係安慶人當差白泓押伊不合同去城下誘
降被指揮崔文等死守不從比有畢真聞知宸濠起事就
不合暗行四散差人捏稱宸濠差太子來取浙江等語傳
報各處動搖人心本月十三日又假以進表為名俱收各
城門鑰匙約令三司府衛等官於次日四更時分各赴本
鎮行禮要得乘機殺害起兵助逆致被巡按張御史并各

官知覺隨即點集官軍嚴加防備畢真俱怕不曾起手十四日羅朝紀宋欽胡通鎮俱各逃散十五日萬銳差人報說王都御史官兵來攻省城宸濠慮恐破其巢穴又見安慶久攻不克心懷憂疑與李士實等謀要退江西省城令衆開船回行間有各船賊兵彼因倉惶擾亂逃走比知府鄭欽宋以方亦各乘機脫走郎中塗文祥亦纔得脫當即憤恨自行投水身死有王都御史督令各哨官兵於二十日四更時分前到省城攻圍彼拱萬銳陸程等各不合督賊拒守被官兵奮勇攻開各門擒殺守城惡黨人衆宸濠府官眷亦畏懼自縊數多本日辰時分王都御史進城撫

定良善及擊獲拱樵觀鏞陸程萬銳等并宮人劉氏等及今故宸濠子三哥四哥各發布政司等處知在拘監其先被君留布政司等官胡濂等亦各於王都御史處投見省候二十二等日吳欽周俊徐銳各即逃散內吳欽當於王都御史處投首訖宸濠與吉等回至王家渡因聞省城已破就彼駐劄節被王都御史分布官兵攻敗至二十六日將宸濠并吉與李士實等各先後擒獲其賊船被火焚燒并宮眷人等投水溺死及四散奔潰者不計其數有跟隨徐欽伊在官姪徐春不合將帶圓寶衣服駕船逃往急水溝湖內躲住彼有在官張受朱受耿二漢三琦王聰等一

十五名各因販賣貨物等項生理在於湖口等處地方先
各撞遇涂欽等來攻安慶并有未到前衛百戶秦昇王樗
俱被脅虜上船各不合懼怕殺害從行又有在官崑山縣
人吳奎常來吉家扮戲慣熟亦不合跟隨在船彼因攻打
安慶不克張受等七名棄機逃往河南睢州陳鳳等十一
名并秦昇王樗吳奎孫澄各逃往太湖等處及在官萬邦
德明知伊已故義男校尉萬龍被涂欽掣去助逆亦逃往
湖廣金沙洲各不合潛住不行首官彼有楊清亦因敗散
帶領所部賊衆逃至徽州地方撞遇彼處官兵殺傷楊清
不合率衆拒敵將指揮張璽劉用殺死亦逃至睢州地方

潛住又有助逆千戶何綬因敗逃回到於在官軍餘胡萬
真家不合將伊引送星子縣地方潛住有毛潏在官男毛
柯毛桓朱英男朱廣盧永成弟盧貴盧永富男盧奉蕭宗
瀛家人蕭進才妻伯另居族姪妻相童妻真十四各明知
伊父兄族叔毛潏等各助逆各不合不行舉首彼有盧孔
童等并李汝禎等因宸濠謀反聲息傳報到京俱被各該
衙門拿拿監禁數內盧孔童趙隆賈信病故相埋訖彼蒙
江西等處撫按守備等官王都御史等并 欽差太監總
兵張永等各先後將方傳等緝獲彼有建安鎮國將軍宸洪
指揮千百戶等官養廉徒定秦誠李澣康靖傅英鄭春唐

榮杜昂王椿龔昇陳銳張斌徐隆徐賢陳韜劉標徐銳袁
勳王爵李瑞吳雄陳詔黃鑑陳麒馮淮楊斌張江孝欽梅
樛茹富秦昇王樛蕭儀馬璿李澣楊威馮春各將彼曾等
項情由於王都御史等處首告各發聽候當有徐銳復蒙
王都御史差委將逆犯朱真朱英捉獲送官仍將徐銳吳
欽及陸續緝獲各犯家屬吉在管弟劉金二劉其三劉養
正弟劉養賢徐紀男徐潮張嵩男張節徐欽姓徐春及吉
與熊綬王春陸程王信何綬下各在官同居家人招孫火
信姪火燿秦榮男秦柯彥相及方倬男方一陽方一新俱
彼時年十五以下連吉等通行先後奏解錦衣衛鎮撫司

監候內方倬棋童等各病故相埋以家欽依着三法司
錦衣衛將吉等并原監李汝禎萬其等通行查取前來會
問前情明白蒙審得吉與在官徐欽熊綬黃瑞李世英熊
僚葛江丁瓚謝天一閔念八熊十一四揚清秦榮在逃陳賢
姚元佐已故萬銳涂永秀周瑞陳字官才婁伯李士實王
春劉養正徐紀盧孔章趙隆李蕃陸程張嵩王信王麒孫
隆盧鏞火信唐全凌十一閔念四六十三揚子喬熊十七
萬賢一萬賢二凌十九凌全雷漢四趙燿十九共四十八
名俱係與宸濠共謀叛逆起兵倡亂罪大惡極處以極刑
情法允當應該依律緣坐家口籍沒財產分為第一等在官

丁綱何鏗楊昇劉勳何綬馮旻周勇宋欽徐銳吳欽
秦婁一鄧時倪六范鳳婁福童未獲工副毛璘等俱係臨
時順從及逆處以極刑於法亦當但與其謀者情則有間
相應罪止其身免其緣坐家口籍沒財產分為第二等在
官吳松徐芳等一十四名俱係一時被脅隨從及逆用事
情與順從者不同若槩擬共謀恐失之濫在官樂平傅明
等一十五名俱係該府舊供職役之人雖各從行止供使令
通合比擬知情故縱條分為第三等在官胡節龍順袁鳳
傳得受宋天和張縉俱係該府原供役使內官止是留其
守門殿房屋等處不曾共謀從逆應以同居之人本律科

坐分為第四等在官陳鳳劉奇等一十名俱係被脅從逆
中途逃散不守相應未減比坐知謀不從故萬秀將逆犯何綬
四樂節等二十四名俱係知謀不從故萬秀將逆犯何綬
知情引送俱合擬坐本律分為第五等其第二等內犯人
宋欽吳欽徐銳第三等內犯人羅和紀胡通鎮周俊俱於
未敗之先逃散內吳欽徐銳俱曾以首各是實除畢真王
綸等各另行問擬外將吉等取問并犯涂欽等一百四十
五名各招同照出招內見問凌遲處死并先故未獲第一
等逆犯俱合依律緣坐其家口抄沒其財產內係儀賓干
礙郡縣主君者另行奏請定奪其未獲其餘人犯俱合

見

抄招備咨都察院轉行江西等處
按衙門各查照分別
等第議擬於內若有虧枉者毋拘
案即與辯理其都布
按三司并各府縣衛所等衙門
曾以逆賊劫取倉庫錢糧
脫放獄囚等項通行查勘明白
具奏施行會議待劉吉等
所犯劉吉徐欽等二十七名
俱合比謀反但與謀者不分
首從律皆凌遲處死吳江徐芳
朱鼎等三十名俱合比依
謀反知情故縱者律斬劉金二
劉廿三劉養賢等三十二
名俱依合謀反但共謀者子孫
弟同居之人不分異姓
兄弟之子不限籍之同異劉金
二等三十四名俱年六十
以上律皆斬俱決不待時丁效
等一名俱年十五以下律

給付功臣之家為奴蘇文四樂節
婁懌方儀方侃徐大

李泰萬銳朱廣盧貴盧奉蕭進才
婁墨童吳奎孫澄萬邦

德余瓊柴忠孫福金童黃昇尚
惠懌鳳張貫江梧婁相童

婁具十四俱合依謀反知而不
首者律陳鳳劉奇等二十

名俱合比依謀反知而不首者
律胡萬真依知人犯罪事

發指引道路送令隱避者減罪
人何綬謀反共謀罪一等

律各杖一百流三千里各准徒
四年蘇文四樂節婁懌俱

係職官方儀方侃李泰徐大才
萬銳俱係監生審俱有力

照例送工部各照徒年限運炭
完日仍比照行止有虧事

例各革去職役送順天府給引
照回原籍為民朱廣等四

十一名俱係舍人軍民匠校等役審俱無力照例送順天府通解各回原籍官司查發衝要驛遞各照徒年限據站滿日各着役寧家隨住

劾近侍結黨疏

會問得犯人一名張書紳年三十八歲係直隸保定府新城縣人狀招書紳原充順天府儒學生員因不在官兄張鯨任司禮監太監遇蒙 覃恩陞授錦衣衛指揮僉事陞都督有在官邢尚智先年投入六科廊書寫於萬曆年四月內因見兄張鯨得寵有權不合投在門下跟房主謀用事以致張鯨親信任為腹心招集在官指登雲千戶項汝繼百戶魏應鵬總旗李奇張鳳來并智在官男子千戶邢有童等互相羽翼假竊威權謀之網羅平民嚇詐財物向未敗露萬曆四年邢尚智又不

冒充文思院副使歷授鴻臚寺帶俸署丞五年二月
尚智又不合令男邢有章冒充錦衣衛校尉復
歷陞本衛正千戶專一緝訪 京城富室搜括
合令在官姪婿王大綱亦不合聽從冒授 各
舍人十年十二月內張鯨同不在官原任錦衣
左都督劉守有奉 旨抄沒馮保等家財張
智李奇及親信名下不在官張科王朝張朝
到馮保等家將金銀珍寶等物暗行藏匿
守有亦帶領不知名心腹人役乘機竊取以後張科
張鯨假託別事將張科發湖廣言避香去訖張

馮保金銀數多定有埋藏各宅又令書紳亦不合聽從出
名承買泊子衚衕金魚衚衕東江米巷南菜市 阜城門
外等處大房書紳又不合倚勢短少入官房價十二年二
月內邢尚智見得在官孫銘家富又不合假以盜買馮保
珠石為由拏至廠內嚇銀一千兩送與張鯨又二百邢尚
智接受入已本年十二月內李登雲見得孫銘好騙亦不
合故違將良民誣指為盜捉拏拷打嚇詐財物發邊衛
永遠充軍事例令未到官校尉丘唵番子黃安等各亦不
合聽從將孫銘及伊妻子拏到維摩庵又將不在官吳樞
拏到一同拷打鎖扭嚇得孫銘銀三百五十兩吳樞銀二

百五十兩入已將孫銘等釋放本月內張鳳來要謀錦衣衛辦事不合將銀三百兩玄段一百疋值銀三百五十兩送與張鯨黃討辦事害衆成家十二年十二月內不在官寧陽侯陳應詔因推府軍前衛掌印往謝張鯨遇見邢尚智因不相識未曾為禮邢尚智又不合面斥你人也不識管甚麼事你且去三日後便見分曉等語本月十八日復差不在官王夥長及不知姓名番子七人往至陳應詔宅內將伊在官家人陳雍拏進直房用刑逼伊招承陳應詔打點事情陳雍哀告不認方行釋放陳應詔連到邢尚智家謝罪仍叱出不容相見有先存今故富民徐佐先年四

當內庫商人偷匿金寶數多後被不在官使女秀金盜出大金二塊事發邢尚智指以內府財物又不合將徐佐在官長男徐福拏入東廠聲要打死嚇得徐福銀一千二百兩入已徐福因此就不合同伊在官弟徐從善與邢尚智交識往來隨接張鯨門下每遇歲節并張鯨邢尚智生日各餽送金寶杯盤段疋不等十四年六月內張鳳來攬納御用監錢糧及冒支節慎庫銀兩不合託邢尚智將銀三千兩送與張鯨邢尚智亦不合自索銀一百五十兩入已張鳳來亦不合乘將濫惡物料上納冒領價銀數多徐佐存日向與在官商人韓鎮合本生理筭數不明本年八

月內韓鎮向徐從善稱說你父欠我銀三萬兩該你填還彼此言激與徐從善各揭赴廠徐從善不合將銀一萬兩送與張鯨又將銀五千兩送邢尚智二千兩送李奇各不合收受入已將韓鎮牽到廠內非刑拷打追出韓鎮收欠帳目燒燬訖本年九月內張鯨見得在官生員周道隆家富要得索害邢尚智又不合指伊妻父訐告為由牽廠送監嚇得周道隆銀一千兩送與張鯨又二百兩邢尚智自受入已本年十一月內在官原任錦衣衛都指揮羅秀當在張鯨門下餽送禮物數次連進本衛堂上公堂書役吏科張給事中參論鯨仍稱替伊亦坐索取銀兩不合將銀三

千兩送與張鯨接受入已十五年二月內張鳳來攬納字庫錢糧又不合託邢尚智將銀三千兩送與張鯨邢尚智又不合自索銀盤盞十副共重六十五兩入已張鳳來又不合上納濫惡物料冒領價多有在官錦衣衛千戶鄭樸因與張鯨同鄉不合往來情密本年七月內用銀二千七百兩買張鯨刑部街房一所居住見有房契原無用賄買陞情節有在官米萬春原任鄖陽叅將不合不行約束軍士以致激變為亂事發懼罪又不合將銀二百兩送與邢尚智求伊保全邢尚智亦不合收受入已十二月內項汝繼不合謀要東廠理刑將銀五百兩送與邢尚智又將

銀三千兩託邢尚智送與張鯨各不合接受入已項汝繼
後得理刑又將蟒衣四套玉帶一條玉縵環一副作為贄
禮送與張鯨受訖本月內邢尚智探得故絕商人石金吳
麒等有該領鈔錠四萬六千餘塊約值銀六萬兩見貯內
府天財庫好得侵盜又不合謀同張鯨昌作蔡賢等姓符
同具奏下戶部行庫將前鈔領出賣銀分用有在官朱裡
亦不合故違凡盜 內府財物其餘常人盜錢帛等物值
銀六十兩以上開發邊衛永遠充軍事例一同昌領於內
分銀二千兩十六年二月內有在官尚騰監太監張棟因不
在官厨子王松偷出黃龍袱十箇被廠拏獲張鯨令邢尚

智嚇銀一百兩本年三月內見監劉天俸冒功事發錦衣
衛奉 旨往雲南拏問張鯨指稱密旨差在官東廠總旗
劉性所即劉子麟同去沿途訪事劉子麟亦不合依從去
到雲南指以密訪為由索取黔國公銀一千兩劉天俸銀
一千兩送與張鯨又自索黔國公銀一百兩劉天俸銀五
十兩地方官銀五十兩入已本年五月內邢尚智母故魏
國公自南京黔國公自雲南各遣人送禮祭奠有未到官
王福亦將銀二十兩送奠邢尚智怒其輕少又不合借事
將王福拏至廠內拷打一百通解回籍本年六月內在官
梁隆吉父故項汝繼見伊孤弱易騙不合指伊父生前騙

買玉石為由差不知名校尉將梁隆吉挈到關王廟及真
觀逼要銀二百兩本月內見監李材亦因雲南冒功被挈
到衛監禁張鯨見得事體重大好得賄賂遂令李奇魏應
鵬等各又不合依從向李材在官男李漢燧嚇說你父要
送鎮撫司嚴行拷問我公公又差校尉聽記令邢爺開寫
重情你父生死只在此時可多備銀兩使用救你父命李
漢燧被嚇懼怕父死只得罄囊所有又各處借貸託錦衣
衛百戶不在官蔡九臬韓應時并魏應鵬將銀二千兩送
與張鯨又將銀一千兩送與劉守有五百兩送與李登雲
二百兩送與在官千戶張繼德三百兩送與邢尚智一百

十項汝繼李奇魏應鵬張鳳來劉子麟各仍照名例律軍
官軍人犯徒者皆發各衛充軍李登雲等有 大誥減等
李登雲項汝繼李奇張鳳來劉子麟張繼德各杖一百徒
三年米萬春羅秀林鵬徐福徐從善各杖九十徒二年半
魏應鵬杖九十徒二年半張書紳邢有章王大綱鄭樸潘
應元趙國相俱各杖七十張書紳係都督邢尚智係署丞
李登雲羅秀俱指揮林鵬係叅將米萬春係革任叅將張
繼德鄭樸項汝繼邢有章俱千戶朱裡魏應鵬俱百戶李
奇張鳳來劉子麟潘應元俱總旗王大綱係中書舍人徐
從善係光祿寺署丞趙國相徐福俱校尉審俱有力與張

繼德等俱照例朱裡李登雲項汝繼李奇張鳳來劉子麟
魏應鵬俱免徒杖抄招押送兵部朱裡李登雲俱定發邊
衛永遠項汝繼張鳳來李奇劉子麟魏應鵬俱發二千里
衛分終身充軍拘妻俞解邢有童免杖并拘邢尚智妻送
戶部流二千里安置張繼德鄭樸俱運囚糧張書紳米萬
春羅秀林鵬徐福徐從善潘應元俱運炭王大綱趙國相
俱運磚各贖罪完日張繼德羅秀林鵬米萬春徐從善王
大綱俱移文各該衙門革職鄭樸依律降等叙用張書紳
所犯雖無重情伊官係伊兄蔭陞今張鯨罪惡深重已經
候旨處分本犯難照常擬相應革職為民潘應元趙國

錦衣衛小旗歷陞本衛副千戶羅秀年五十八歲係錦衣
衛校尉歷陞本衛都指揮同知革任林鵬年三十九歲由
武舉授留守左衛鎮撫歷陞神機營叅將王大綱年二十
九歲順天府宛平縣人由監生任中書舍人李奇年五十
七歲張鳳來年五十八歲劉子麟年二十九歲潘應元年
四十九歲俱係錦衣衛總旗趙國相年十九歲徐福年三
十三歲錦衣衛校尉徐從善年三十二歲光祿寺署丞各
與張書紳招同議得張書紳所犯邢尚智除擅入宮殿內
盜內府財物及恐嚇求索取財各罪不坐外邢尚智合依
諸衙門官與內官互相交結夤緣作弊而符同奏啓者律

朱裡依盜 內府財物者律與邢尚智各斬邢尚智秋後處決妻子流三千里朱裡係雜犯准徒五年李登雲項汝繼李奇俱依恐嚇取人財物者各計贓准竊盜論免刺李登雲項汝繼李奇各加一等俱一百二十貫罪止律張繼德依官詐財强者准枉法論有祿人八十貫律與李登雲等各杖一百流三千里米萬春羅秀林鵬徐福徐從善俱依有事以財行求計所與財坐贓論五百貫之上罪止律各杖一百徒三年魏應鵬依說事過錢者有祿人罪止杖一百遷徙比流減半准徒二年張書紳邢有童王大綱鄭樸潘應元趙國相俱依不應得為而為之事理重者律各杖八

相徐福俱並役與隨審陳雍等查發肄業寧家照出張繼德該運贖罪囚糧三十五石折價銀二十四兩五錢鄭樸運囚糧七石折價銀四兩九錢俱送陝西司上納米萬春羅秀林鵬徐福徐從善各運炭三萬斤各折價銀三十一兩五錢張書紳潘應元各運炭四千八百斤各折價銀五兩零四分王大綱趙國相各運磚二百八十箇各折價銀三兩六錢四分送湖廣司上納其原冒領出 內庫鈔錠共值銀六萬兩內除朱裡名下該追原分銀二千兩餘銀五萬八千兩係張鯨邢尚智分用各照數追出俱送 內庫交收邢尚智嚇徐福銀一千二百兩索張鳳來銀一百

五十兩并銀盤盞十副共重六十五兩索徐從善銀五千
兩得項汝繼銀五百兩得王福真銀二十兩得李漢燧銀
三百兩得米萬春銀一百兩李奇索徐從善銀二千兩得
李漢燧銀二百兩俱合追入官刑尚智原索孫銘銀三百
兩嚇周道隆銀二百兩李登雲原嚇孫銘銀三百五十兩項
汝繼原嚇梁隆吉銀二百兩俱合追給主通取實收領狀
附卷其張鯨招內原得各項贓物合候 旨處分未到蔡
九臯韓應時王朝張科丘塗黃安等另行提結餘無再照
卷查先該貴州道監察御史何出光題前事奉 聖旨張
鯨着箠勵供事劉守有革任回籍其餘本內有名人犯都

着法司提了問欽此隨該戶科等衙門給事中等官陳尚
象等亦題參前因奉 聖旨已有旨了法司知道欽此欽
遵通抄到部送司行提張書紳等前來問招間又該本部
題前事奉 聖旨鈔錠既已招承不必又查其餘緊關事
情着作速問明來說張鯨候旨處分欽此欽遵抄部送司
通將張書紳等各問擬前罪案呈到部覆審前情無異
參照鴻臚寺署丞邢尚智無籍刑邪投身閹豎依憑城社
大張狐鼠之奸剝害閭閻肆蛇豕之毒竊名器以私子
壻冠蓋盈門集朋黨以布牙爪苞苴滿室視禁廷如外地
出入莫敢誰何睨內帑為私藏侵盜全無顧忌神人共憤

罪惡已盈錦衣衛指揮僉事李登雲尸項汝繼百尸魏
應鵬等以賄謀身竊權害物假敝衛以煽虐荼毒不辜資
鉗網以售貪并吞無忌錦衣衛總旗張鳳來李奇劉子麟等
市井博徒權門惡黨肆出誅求勢實張于鷹犬群黎悲怨
禍已遍于雞豚皆與邢尚智比周為奸殃民妬國俱應盡
法究擬以伸 國憲以快人心者也再照提督東廠司禮
監太監張鯨憑竊威靈橫肆虐焰權傾中外祇以封殖私
家寵冠臣僚乃敢網羅厚賄籍沒之珍寶半入私囊真是
故違 明旨聽棍徒之教唆以竊帑藏忍于大負 國恩
惡極滔天慾深頃刻巨奸 何志九有寒心倘非大震天

威無以懾服元惡所當明正其罪以絕禍源原任左都督
劉守有貪饕養成性側媚為工奔走貂鎗之門而奴顏婢膝
內營兔窟之私竊據緹綺之權而徇盜蠅營外廣鴟張之
勢雖却 詔獄之賄賂似能矯飾盜名而籍沒之珍奇實
為依違負 國今雖單任未盡其辜亦當究禡以為群邪
之警者也合候 命下遵奉施行奉

聖旨這事情既問明白邢尚智監候處決其餘俱依擬發
落發遣內李登雲張繼德受賄縱情欺君賣法俱發煙瘴
地面永遠充軍張鯨姑念侍奉多年勤勞着痛加省改策
勵供事劉守有已單任了并張書紳俱免究內冒領鈔錠

銀兩事非三入之事張鯨姑免追究邢尚智着嚴追交送

丁巳年閏五月

身醫如卦仙醫術工

刑刑亦無效當即

